

廣平府志

ル 5  
1572  
7





1295  
1572  
B



重修廣平府志卷十四

輿地略

星野 晷度

十二次之分大梁趙也

周禮注

大梁昴也西陸昴也濁謂之畢

爾雅

大梁昴之次名也昴西方之宿名也昴又謂之西陸郭

云昴西方之宿別名旄頭者天文志云昴曰旄頭是矣

濁謂之畢者畢西方之宿名一名濁郭云掩兔之畢或

呼為濁因形以名

爾雅疏

昴畢閒為天街散為冀州分為趙國

春秋元命苞

周天三百六十五度四分度之一分為十二次每次三



十二度三十三分之十四日至其初為節至其中為中  
氣自胃一度至畢六度謂之大梁之次清明穀雨日居  
之趙之分野月令章句

昴曰旄頭畢曰罕車昴畢閒為天街史記天官書

壬燕趙寅趙辰邯鄲漢書天文志

趙地昴畢之分野東有廣平鉅鹿清河漢書地理志

十二次度數自胃七度至畢十一度為大梁於辰在酉

趙之分野屬冀州晉書天文志

州郡躔次廣平入昴七度清河入昴九度趙郡入畢八

度同上

自胃七度至畢十一度曰大梁之次於辰在酉謂之作

噩於律為姑洗斗建在辰今趙分野帝王世紀

自胃七度至畢十一度為大梁屬冀州隋書地理志

昴畢大梁之次畢酉初起胃四度二千五百四十九分秒八太中昴

六度一百七十分四分半終畢九度其分野自魏郡濁漳之北得

漢之趙國廣平鉅鹿常山東及清河信都舊唐書天文志

冀州其在天官昴畢則趙之分野杜佑通典

北斗七星在太微北六日闔陽為律主木其分為趙宋史

天文志

天市垣二十二星在氏房心尾箕斗內宮之內東藩十



一星十日趙

同上

洛州星分昴宿一度

太平寰宇記

胃四度至畢六度大梁之次也廣平順德二府皆昴分

河南彰德府之磁州皆昴畢分

明史天文志

廣平府天文昴分野大梁之次

大清一統志

右星野

永年縣

北極出地三十六度四十六分三十秒 冬至晷影一

丈七尺四寸八分弱 夏至晷影二尺三寸七分弱

冬夏至晷夜長五十八刻一分強短三十六刻十四分

弱 偏西一度三十五分 節氣早六分三十秒

輔通

志下同

曲周縣

北極出地三十六度五十一分四十秒 冬至晷影一

丈七尺五寸四分弱 夏至晷影二尺三寸八分強

冬夏至晷夜長五十八刻二分弱短三十七刻十三分

強 偏西一度二十三分 節氣早五分三十二秒

肥鄉縣

北極出地三十六度三十九分三十秒 冬至晷影一

丈七尺四寸弱 夏至晷影二尺三寸五分弱 冬夏



至晝夜長五十八刻一分弱短三十七刻十四分強  
偏西一度二十三分 節氣早五分三十二秒

雞澤縣

北極出地三十七度 冬至晷影一丈七尺六寸四分  
弱 夏至晷影二尺四寸一分強 冬夏至晝夜長五  
十八刻三分弱短三十七刻十二分強 偏西一度二  
十八分三十秒 節氣早五分五十四秒

廣平縣

北極出地三十六度三十四分 冬至晷影一丈七尺  
三寸三分強 夏至晷影二尺三寸三分強 冬夏至

晝夜長五十八刻強短三十八刻弱 偏西一度二十  
二分三十秒 節氣早五分三十秒

邯鄲縣

北極出地三十六度四十分三十秒 冬至晷影一丈  
七尺四寸一分弱 夏至晷影二尺三寸五分強 冬  
夏至晝夜長五十八刻一分弱短三十七刻十四分強  
偏西一度四十九分 節氣早七分十六秒

成安縣

北極出地三十六度三十分十秒 冬至晷影一丈七  
尺二寸九分弱 夏至晷影二尺三寸二分弱 冬夏



至晝夜長五十八刻弱短三十八刻強 偏西一度三十六分三十秒 節氣早六分二十六秒

威縣

北極出地三十七度四分 冬至晷影一丈七尺六寸九分弱 夏至晷影二尺四寸二分強 冬夏至晝夜長五十八刻三分強短三十七刻十二分弱 偏西一度二分 節氣早四分八秒

清河縣

北極出地三十七度九分三十秒 冬至晷影一丈七尺七寸五分強 夏至晷影二尺四寸四分弱 冬夏

至晝夜長五十八刻四分弱短三十七刻十一分強 偏西四十一分 節氣早二分四十四秒

磁州

北極出地三十六度二十五分 冬至晷影一丈二尺二寸八分弱 夏至晷影二尺三寸強 冬夏至晝夜長五十七刻十四分強短三十八刻一分弱 偏西一度五十五分 節氣早七分四十秒

右晷度

案地球為體上應天度南北為緯以北極為主東西為經以



京師爲主此高度偏度所必詳也廣郡緯度在

京師南經度在

京師西故晷影晝夜諸差皆較

京師爲少而節氣則較早焉蓋諸方見日有先後則其加時不同因以爲節氣之遲早也法用本地極度與黃赤距度相加減取之用官八尺之表歷代所同今加爲一丈見

皇朝文獻通考黃赤大距古大今小謹遵儀象考成績編道光十四年測定二十三度二十七分之數入算州縣經緯俱以城中爲準測量諸差分列如右晷度因地勢而測故先列星野晷度次焉



重修廣平府志卷十五

輿地略 山川

案郡境諸山隸於所屬永年邯鄲磁州者皆太行之支脈也禹貢云太行恆山至於碣石述征記曰太行山首始於河內自河內北至幽州凡有八陁郡境滏口陁即太行之第四陁也茲按諸山形勢自北而南依次編輯而各縣土山岡阜附識於後

聰明山在府城西六十里周迴俱石形勢高峻岡巒盤踞綿亘廣遠 方輿紀要 聰明山在石碑社山麓有神廟歲時

禱祠 名勝志 唐建中二年馬燧救臨洛攻田悅進軍營明



山即此舊唐書列傳唐盧頊聰明山記略聰明山之

淫之謂聰降祥毓物之謂明美備稱焉取名斯在觀夫

羣山透迤自西而北茲鎮秀拔屹臨東夏揖岱宗於遠

色延旭日於高標豁開廣平千里如砥靈源森麓迴合

窈冥禳祈必徵於神諸侯在其地則祭元和歲右僕射范

陽王總戎之三年詔自上黨巡撫東封冬仲月生魄至

於茲山齋莊廟廷躬執祀事於是大備控揭畢陳犧牲

神之格思歆我明德公之舉也神之助也不然何年祀

未幾而變化神速臻於是耶項謬職分符今逾一紀獲

奉威命舊邦維新黎庶其蘇邦家之慶祝公壽考永固

河山夫言而無文行之不遠乃刻石以紀傳於後人

聞劉起詩西山雄峙控沙洛紫氣東來滿郡城靜裏有

崖星斗平天為聖王新耳目股肱元首直聰明國朝

申頌詩太行蜿蜒來鬱勃氣難止岢然躍眾工嗟呀無

網紀聰山蟠其衝秀絕白雲擬神棟棲巖腰飛橋欵澗

平岡吞亂流沙田石齒齒穴土成村鄰樹杪聞雞豕所

向盡山谿崢嶸遠能已安知數里還歛見臨洛市洛西

山如雲浴東池如砥從此到郡中沃野五十里曠朗疊

嶂開登城展眺視西北疑無天目際但嶺巒手峰競夕

陽近者聰與紫依稀往所歷泉聲若在耳重遊苦蹉跎

獨立空徒倚古有馬服君羽化西山裏開闢一氣中不

辨何峰是岫岫晴嵐垂幽光照城雉閃爍衆態殊頃刻

靈對君生愧恥低頭如市闔甘遜塵囂子

案方輿紀要謂此山或即古之邯山明一統志引宋

陳薦山神碑云此蓋紫山一峰耳考寰宇記邯山在

邯鄲縣東南五里紫山距明山二十餘里中隔婁和

諸山則此山非邯山亦非紫山一峰也今不錄

猪山一名太宗山在聰明山東南與婁山對峙一名石

山絕頂有磨崖石刻畿輔通志

重修廣平府志 卷十五 輿地略 山川 二



狗山今名婁山在猪山東南距府城西六十里山勢崇

廣怪石峻嶒上有古刹永年志臨洛有狗山隋書地理志山

頂石上有狗迹因名方輿紀要以山唐武德五年太宗

親總戎討劉黑闥於此立營元和郡狗山有太宗故壘

新唐書一名駐驛山舊志明白南金婁山懷古詩千

地理志寒煙不鎖青山色載屯兵事已非言尋故壘尚依稀

每至登臨翠滿衣

兔山在聰明山東府城西六十里永年志石碑村其上

有兔山名勝志高不及婁山之半土人多耕藝其上輔通

和山在婁山南府城西七十里永年志山勢延廣林木

青葱畿輔通志

紅山在明山西南府城西七十里永年志踞紫山之北

山形延袤回峰環澗互相映帶方輿紀要下有豐稔屯上有

流泉白石罅中出土人引以灌稻名勝志山北為黃腰嶺

輿圖距府城七十五里土嶺平衍高三里長三十里輔通

志舊志作二十里縣志與通志同

紫山在紅山南距邯鄲縣西北三十里山之西與河南

武安縣界邯鄲志邯鄲有紫山魏書地理志臨洛有紫山隋書

地理志唐天寶六年改為朱衣山山下有水北流中有鮒

魚名朱衣隋圖經云臨洛紫山春夏有紫氣蒼鬱山下



有石石上菖蒲一寸九節巖間有紫石英鬱山一名紫

山出紫石英菖蒲為仙方所尚太平寰宇記山勢聳拔嶺麓

迴複一名馬服山舊志張華曰趙奢冢在邯鄲界西山上

謂之馬服山史記集解括地志云馬服山在邯鄲縣西北十

里馬服君因馬服山為號也史記正義有王喬洞劉秉忠隱

室今兩塔攢空秉忠建也山下有玉寶觀畿輔通志

明盧龍雲詩紫氣遙來出紫宮金光隱現有無中仙壇並建羣靈擁

寶塔雙瞻瑞靄通萬頃桑麻春雨後千家城郭日華東

披襟已盡蘭臺勝宋玉何勞對大風葛山在紫山之東上有雙泉林木森郁葛藟尤盛故名

大清一統志

堵山在紫山之南連亘如堵因名同堵山牛首水所出

東入白渠漢書地理志邯鄲有牛首山金史地理志案

首水出邯鄲縣堵山水經注錫山之上多玉牛首之水出

焉東流注於滏水山海經案錫山一條寰宇記引入

武安縣邯鄲與武安縣接壤水之所出所入又相同錫山或即堵山別名也

靈山在堵山之東南邯鄲志作城隋圖經趙武靈王登

靈山以石鑿人馬形其下有井以石覆之俗呼為靈井

風土記云靈山因趙武靈王葬其上故曰靈山太平寰宇記

今城西北有照眉池西有高嶺或以為即古之靈山劉

劭趙都賦西有靈邨郡國志以為靈山方輿紀要



案此靈山靈井當卽今之聖井岡也惜無石人馬形以爲佐證

賀蘭山在紫山西南磁州西北三十里山不甚峻疊嶂起伏長亘數十里舊志賀蘭山在磁州賀蘭真人居此神仙傳

鼓山在賀蘭山西磁州西北四十里同宋永初古今山

川記云鼓山有石鼓形二所南北相當諺云南鼓北鼓相去十五冀州圖云鄴城西有石鼓鼓自鳴卽有兵魏都賦云神鉦迢遞於高巒是也一名淦山魏地記淦口山卽魏帝邀擊袁尙於此太平寰宇記淦口山出磁石隋圖經

臨水有磁石山淦山鼓山隋書地理志淦水出鄴西石鼓山

南巖下泉源奮涌若釜之揚湯太平御覽淦山景山淦

水所出其源沸湧如釜中湯故曰淦淮南子淦水今出臨

水西淦口山其水熱故曰淦山海經注八陘第四陘曰淦

口陘山嶺高深實爲險扼元和郡縣志山腰有響堂寺寺有

石洞洞內有高齊時石刻佛經山延袤廣遠其巔名脫

甲嶺距州城六十里隋刺史竇宗與竇建德戰憤而脫

甲立逝於此故名山之南坡爲鸞駐嶺相傳金太和間

有鳳凰集此因名州志明張鏡心登鼓山響堂寺詩

上界靈文刊貝葉巖中石鼓動豐隆盤空水鶴翻雲白倚石山花笑日紅駝背千秋詢勝侶疑從秘地一相逢



紀純鼓山曉發詩旌旗清曉拂晴暉百轉山腰見野  
屏松勁肯隨桃李變鴻高常避網羅飛三千道路憐金  
劍五十功名笑布衣對酒且  
應三四盞薰風倚馬醉微微

神麝山在鼓山南與鼓山對峙山形若麝故名同神困

寰宇記 之山其上有文石其下有白蛇有飛蟲黃水出

焉東流注於洹淦水出焉東流注於歐水山海經 下有黑

龍洞石罅吐泉滾滾如沸可數十湓巖前有危亭明月

閣山之東有廣盛泉 畿輔通志 元胡祇遹黑龍洞

觀音閣詩陰崖瞰清溪高閣勢騫

舉石林出雲表六月不知暑俯視山居人桃源接元圃

此生亦虛名馬足車塵苦北得抵沙漠南遊越吳楚白

借一塵招邀同志侶披襟北牕風洗耳松稍雨醉眠溪

口雲饑食得雞黍指顧爭席人此志頗同否默與山靈

盟磨崖鐫鄙語 明楊性魯黑龍洞碑記略黑龍洞者

淦水之源也水從山根散出如萬斛珠璣狀與鼓山泉合

流東注即淦水也乃北泉遇旱常涸而黑龍洞水不加

損則淦水之正源矣嘉隆以前每旱州人赴洞取水官

民相率拜禱輒雨用是神之弗敢褻山半有明月閣一

間抱廈三間閣下肖龍神像祀焉登閣瞰泉噴薄迴旋

潺湲奔瀉沙鷗上下游鱗潛躍心目開爽顧其徑陡削

不受足而棟宇湫隘背不容旋登者苦之董公應芳署

郡事覽而歎曰美哉斯地奈何以險隘故俾覽勝探奇

者不得盡其大觀耶且封內山川祀典攸重蕪廢圯塞

亦守者責也於是捐俸若干慨為開拓爰從閣後開山

廣明月閣為三間閣東為廳三間館遊客西為道房三

間供庖膳自山腰達閣為石梯二登廳者東上登閣者

西上可並行二人山巔石隙植柏數十本望之蔚然鳩



古如斯去不還 李士高遊龍洞寺詩壁削芙蓉萬仞  
丹禪林隱隱畫圖看人間勝地僧多占洞裏諸天客到  
難雲傍龍來晴作雨風從澗落暑生寒年來賸有煙霞  
癖石畔長松好挂冠 國朝楊方冕龍洞珠泉詩誰展  
探驪手驚翻萬斛圓會從山閣下流澗遍桑田 董昌  
齡秋日廬山晚眺詩晚上寒山石煙嵐徧嶺西殘林紅  
葉醉歸岫白雲迷寺遠鐘聲近臺高  
人語低新涼衣漸冷拄杖過前溪

馬頭山在神麇山東北賀蘭山南磁州西三十里州志

西北二十里又有玉泉山即玉泉池西南之高岡也採訪

冊

香山在鼓山東北上有皇姑庵旁有竹林寺相近又有

大麇山接武安縣界採訪

白土山在神麇山西南磁州西六十里一統志作七十里以地

產白土而名危峰百丈絕頂有泉曰流泉下流足資溉

田山南為白熊洞州志兼輿圖

鳳凰山在白土山左州西南石場村之西山下有鳳凰

寺輿圖兼採訪

清明山在鼓山西磁州西九十里一名聚龍山翠巘叢

疊林壑深遠其間兩峰矗起對插雲表一如筆一如干

盾俗呼燼炬山有洞曰淨明俗呼曰李將軍洞後有潭

潭側曰印臺山每夏秋雨霽懸崖飛瀑聲若龍吟上建

龍神廟李將軍廟州人禱雨輒應舊志

香爐山在白土山西磁州西百里州志州境諸山之最高



者鼎形峻削晨望若有煙氣出其中因名

畿輔通志 國朝任塾

詩一峰形似削特立在遙空崕嶺兒孫輩乾坤俯仰中吐雲天際白銜曉日邊紅不用頻搔首蒼穹路可通馬長淑詩太行西望一峰尊怪石多如虎兕蹲煙起爐中迷近遠客遊畫裏失朝昏新安詎羨山為海青社休誇雲有門但願此間成小築何須別覓古仙源

天井山在磁州西北接武安縣玉露嶺在州西接涉縣

界 輿圖兼 採訪

浮邱山在肥鄉縣南四里土阜隆起高僅數尺或以為

古隄遺址 方輿 紀要

天臺山在肥鄉縣西南十五里土山無石高數丈盤結

數百步 舊志 上有壽亭侯廟 明一統志 天臺寺漳水湮沒基址

陵夷 縣志 程學禮過天臺山市有感詩天臺山勢半

自失荆軻隨他市語悲歌散且傾村酒醉顏跚陵谷不堪回首處日暮獨上古城坡

鳳起山在雞澤縣治後明邑令曹孔榮培築今僅存土

阜 畿輔通志 明何兆湖新築鳳起山記略雞澤建

署在城內之南縣治後餘地坑塹滂下堪輿家謂前高後陷非地勢也得一山邱以從鎮之則城邑利矣邑侯曹公萬厯壬辰夏莅任凡有利於民者思為之所至是睇觀縣後地之滂陷者堙之捐貲累土創為

邨臺周環數仞高出丈餘視之屹然一鎮也

轆轤山在廣平縣南二里縣治西北 一統志作西北半里 又有鍬

子山皆以形似名縣東二十里 一統志作三十里舊漳河旁 又有紫

荆山 方輿 紀要 山產紫荆故名西逼河岸雖經衝突而紫荆

遺本尚存 畿輔 通志



邯鄲阜一名邯山在邯鄲縣東縣志牛首水東入邯鄲城

又東逕叢臺南又東歷邯鄲阜水經注

案元和志邯山在邯鄲縣東南五里漢書地理志邯

鄲山在邯鄲東城下單盡也城郭從邑故加邑云寰

宇記邯山名單盡也邯山至此而盡名勝志邯山在

縣東二十里代召鎮歲久山夷諸書所列方位不同

要之此山亦土阜也故水經注云邯鄲阜今久湮沒

附識以存古蹟

雙岡在邯鄲縣西北當郡西廢臨洛縣西出之要道一

名盧家疇又名盧家寨唐建中初魏博帥田悅遣將柵

臨洛南雙岡以禦馬燧燧遣將李自良等合神策軍於

雙岡禦之方輿紀要兼採唐書列傳

白虎岡在清河縣西南二里居邑之右故曰白虎上有

元帝廟畿輔通志

牛尾岡在磁州西南十五里州志畿輔通志作三十里

以上山

滏陽河原名滏水其滏陽乃縣名後人遂以轉稱於河

也寰宇記滏水源出滏陽縣西北鼓山南巖下其水冬

溫夏冷又云滏口泉出鼓山南脚山海經云神囷之山

滏水出焉東流注於歐水案漢書地理志武安有欽口山白渠水所出東至列人入



漳漢武安今磁州地欽口山或即溢口山以字形傳寫而訛白渠水或即今之溢水通志以牝牛河為古白渠查牝牛河源出磁州蔣村及林壇鋪非今按溢水有南出於山也河流細小恐不足當此水名

北二源北源出磁州西北四十里石鼓山麓晉祠廟下東南流二里與南源合南源出神麇山下黑龍洞洞幽

深邃遠歲旱禱雨每入洞取水水出其中滾滾有聲洞

外山根泉如百斛珍珠隨地湧出北源遇旱偶涸此泉水不加損蓋溢水之

正源也故龍洞珠泉為州境八景之一東北流二里至臨

水鎮即臨水縣舊址與北源會遂合而東流有八字澗水自紙

房村流入之又有廣盛泉自西南流入焉

八字澗在州西北七十里支分派引流為八字東南

流二十里至紙房村入溢河平時泉流數里即止水漲時方能流入溢河

廣盛泉在磁州西四十里西紙房村西其源亦出神

麇山東北流入溢陽河

溢陽河又東南流十五里至九龍口有羊渠河自西來入之

羊渠河在州西三十里源出羊渠村西半里許有一

微泉流至村南即止遇秋水盛時從村南流至泉子

頭東南由九龍口入溢陽河

溢陽河又東南流十八里有泥河自西北來入之

泥河在州西十五里其源自泥河村街西從沙石小



橋下流出百數十步即止遇秋潦盛時經東武仕西  
北入滏陽河

滏陽河又東南流四里逕西閘分為南北中三大渠由  
中渠又播為五爪渠詳水利玉泉之水入焉

玉泉俗謔溢泉出州西北二十里溢泉營村池方圓  
一畝水從地中湧出由本村流至曲溝村南入五爪  
渠內下流達滏陽河

滏陽河又東南流十六里逕州城南五里經偃月橋下  
折而東北行逕開河高與鎮等村凡三十六里至東閘  
口而東大渠二支於此分焉詳水利流凡三十里復入滏

河又北流二里至東城橋有牝牛河合賀蘭河自西來  
入之

牝牛河在州北三十五里有二源一出州西北之蔣  
村東流逕西東彭廂西東五女村為北河一出林壇  
鋪西東流逕西東范村為南河二水至落子村而合  
又東逕西東賀蘭村而賀蘭河自西北來入之  
賀蘭河源出州西北四十里賀蘭山東南流合牝牛  
河二水合流又東出濯纓橋下逕所坊營郭家莊至  
東城橋入滏河

滏陽河又北流五里有澗河合波水溝自西來入之



澗河在州西北四十里源出河口村東流逕安河陸

開北城南城西郝東郝等村凡三十六里至河北村

與波水溝合溝起州西北四十五里即河北村渠也東流逕趙拔莊張二莊入澗河又

東逕城基村張基莊又東入滏河案水經注漳水於列人縣右合白渠

故瀆又東與拘澗水合水導源武始東山白渠北俗猶謂是水為拘河今之澗河疑即古拘澗水也

滏陽河又北流四里至張家莊入邯鄲縣南界屈而西

北流又十四里轉而東北又十六里經羅城頭有渚河

自西來入之又北六里至蘇曹村則沁河亦自西來入

之

渚河在邯鄲城南五里又名塔河以紫山有元太保劉秉忠所建塔而

河經其南故名其上流有二源皆出於堵山一自縣西南二

十五里東北流為藺家河一自縣西三十里東流為

閻家河方輿紀要藺家河以近藺相如故宅而名又西十里有閻家河合流而東為

渚河流十里折而西南逕羊井村又轉而東北二十

里逕趙王城北即邯鄲舊城在今治西南八里又東十里至羅城頭

入滏陽河案房冊是河光緒十八年邯鄲縣知縣李兆梅重濬

沁河在邯鄲城西半里許其上流亦有二源皆出於

紫山北源為牛照河俗名牛叫河東南流南源為巖

箭河東北流至牛照村而合為沁河又東逕扈村齊

村繞城西北又東至蘇曹村入滏陽河



案水經注拘澗水又東有牛首水入焉水出邯鄲

縣西堵山東流分為二水東入邯鄲城又東澄而

為渚渚水東南流此句俗刻水經訛注拘澗水俗

潤作又東入白渠據此則牛首水之二派即今之

渚河沁河也又案今渚沁二水河道與酈注異者

乃明正統中知府華津知縣韓駟因馬服岡之水

為城患遂開新河使之改流李東陽作記云改河

於漳凡為新河千七百二十丈蓋其時漳滏合安

流故不言入滏而言入漳舉大水以眩之也

滏陽河又北流東轉十六里又屈而西北流十里逕劉

莊橋又折而東北十里至馮村有輸龍河自西來入之

輸龍河方輿紀要元至正間有龍興龍鬪於澤中龍

勝而龍輸故名其源為興龍泉出邯鄲縣西北二十

里東南流逕周家窰黃家窰姜家窰至南高崗聶家

莊又折而東北十六里逕王化鋪呂仙祠俗名黃梁

莊又東四里至馮村橋入滏陽河案此水上流昔與

秋漲發散注田疇或抵城下與沁河合

滏陽河又東北流三里有柳陽河自西北來入之

柳陽河出邯鄲縣西北三十里之兩岡村東南流二

里逕蘇里橋入滏陽河



滏陽河又東北流十二里逕唐家屯入永年縣西南境  
一名柳林河又東流逕賈葛口而賈葛潭水自西來入  
之

賈葛潭在永年城西二十里受邯鄲西山之水東流  
注滏河

滏陽河又東北流逕東西大慈村西沿南沿等村而八  
闡於此設牛尾河於此出焉

牛尾河一名劉累河方輿紀要曰漯河南和志曰流  
壘河一名落漠河即水經注濁漳篇之薄落津也

記作薄落語 訛為落漠 在永年縣西三里上承八閘宣洩之水

八閘引滏水灌田以河為尾閘 由隄西路家莊北流逕驛路石橋下

又北流逕盧家橋折而東逕大營頭又東逕陳義村

馬家村南又東北逕張西堡至夏堡店又東入雞澤

縣界逕蕭栗莊又東北逕西硯池又東北逕柳林口

又東北逕南中北三馮鄭村又東北逕落西口橋又

北逕縣城西關又北逕北關又東北逕二百戶營毛

官營又東北至馬坊營

雞澤令錢錫案曰牛尾河之患由於下游南和任縣河身高仰隆平大陸澤是其尾閘阻梗尤甚而上游永年當春令水涸蓄此水概田及夏令水漲與宣洩之水一齊下注雞邑承受不及即至橫決故雞邑此河冬春則乾涸見底夏秋則氾濫堪虞乾隆二十七年興修之舉善矣顧盛舉難再目前第就本境而論挑河則不如築隄蓋下游高仰上游理無挑深惟有加高



隄堰庶幾水漲時可以支拄徐徐疏銷不使之橫溢  
 雖屬苟且之計而牛尾河性不橫猛其決口之失大  
 抵漫溢之時多而沖潰之時少但使築高培厚究可  
 冀免於萬一光緒十七年督率民間修築城西五里  
 隄工自二月開工閱五月而竣事加高尺餘寬六七  
 尺其無力者資助之然外村則不暇顧及俟諸異日  
 耳

可又北入南和縣東南界逕張村折而東入平鄉縣  
 西界又北出落漠橋下逕西寨村轉而西北復入南  
 和縣界逕胡佃村又北逕果砦村史召村又北入任  
 縣界出孟家橋下又東北逕劉累村至小橋折而西  
 北至尼家莊與洛河合流又北入大陸澤光緒十二  
 年知府譚寶琦督飭挑濬

又濬借馬莊新渠長二百四十丈引環城積水入牛

尾河

滏陽河又東流逕郡城南午橋又東逕蓮花口折而北  
 逕城東建閘引水環城為池又折而東北流十里又東  
 北流二十里至于家寨顧家營又東入曲周縣西境逕  
 塔子橋又東北流二十里逕劉莊屯又東逕曲周縣城  
 南折而北流繞城東流八里至七岔路折而西北流至  
 馬疇又北入雞澤縣界凡十八里至舊城營又北十六  
 里至雞澤縣東邢家隄昔時分流西出為二支南曰文  
 明河北為興隆河皆西流入於城濠文明久淤故道見後  
 興隆河本乾隆十六年知縣王光燮開由利民閘引  
 水溉田久淤光緒十八年知縣錢錫案請款重濬河長



二千百六十七丈寬七尺深六尺兩岸旱田咸沾其利

滏陽河正支又北流十里逕東于口橋下又北入順德府平鄉縣南界又北十二里逕縣東距城八里又北十四里至游召村折而西北入任縣東南界又屈而西北流三十里至邢家灣受南泊雞爪河之水又東北流入隆平縣界又東北入甯晉縣東南界又東北受甯晉泊俗名北泊諸水又東北逕新河冀州俗名下西河至天津入海

洛河古寢水漢書地理志魏郡武安有寢水是也一名

南易水趙地記云此水六國時名易水埤蒼及水經云洛水之目不知誰改俗謂山之下地名洛故曰

洛水燕趙記云其分有三易漳為南易亦名千步水寰宇記千步口出洛水亦謂之

漳水風土記云南易水本名漳水源出三門山西其上流在河南武安縣有

南北二支逕城南者為南洛河逕城北者為北洛河南

洛河源出武安縣西天井岐武安縣志卽十八盤之東面為適晉要途東南

流至柏樹里伏流不見至城西南洛遠里復出迤逦東

流逕城南復折而東北有玉帶河自西來入之水導源武安西

山夏秋水漲發由崇義里至午汲村流逕玉帶橋又東北入南洛河又東北逕靈山紫

山會北洛河北洛河源自山西遼州山中及摩天嶺為適

晉徑一帶泉水會流至三川口繼城村東北伏流二十

里至土山村北復出北流有儒教河自西入之水導源太行山



麓流經縣西沙窩伏流至儒教里復出歸北洛河南北洛河至縣東北三十里

交會為澤名曰寢水又東北逕婁里入永年縣西北界

折而東逕陽城洛陽等村又東逕臨洛關北又東南十

四里逕龍泉村泉水入之泉出村南流入洛河又東逕辛村有南

決之故道焉明萬曆中決口乾隆嘉慶道光間屢築屢

決同治十年築壩禦之使歸故道於是東流逕講武村

又東逕許家莊茹佐村又東逕太新莊橋下又東逕東

西楊家莊有漫溢之決口焉又東北流逕辛莊堡又北

入雞澤縣界全家莊在永年境內長八十餘里又北出

接路橋下至浮圖店有沙洛合流之故津焉通志洛河至雞澤浮

圖店東北與沙河合流曰沙洛河今沙河西徙不與洛通廢為枯渠又東北逕南雙塔臻

底村又北至柳下城隍營又北逕縣西小韓固沙陽等

村又北入南和縣界在雞澤境內長四十五里又北入

任縣界又北入南泊通志云入任縣後至尼家莊與牛尾河合又北入大陸澤案大陸

澤即南泊也

沙河在洛水之北古澗水許氏說文澗水出趙國襄國

之西山東北入寢漢書師古注澗音藕襄國故邢國今沙河邢臺二縣

地今案此水有二源皆出山西遼州諸山之水一支東

南流由大嶺口入沙河縣西界一支南流逕河南武安

縣界由黃背巖口入沙河縣西界二流至石盆村合流



曲折東行於山谷中凡六十里逕廣陽山下渡口村又

東二十里至左村有野河自西北來會

野河畿輔安瀾志作烏梅河一

日荆河順德府志作洪河沙河縣志作紅河俗名龍門川發源邢臺縣西北馬嶺口匯集羣山之水東南逕栲栳山故名洪河又東南入沙河縣北界有湯河自西南來入之又曲折東南流至左村合沙河又東

流三十里至油村北遇大沙磧河分爲二一支繞磧東

北流逕端莊又東南逕高廟又東逕沙河城南河心鋪

又東北至段莊會西狼溝河又東北逕宋村入南和縣

界合澧河一支繞磧東南逕八里莊至普通店折而東

北逕田村又東逕南汪村又東北入永年縣西北境又

東逕劉固村北又東南逕柳村北又東逕宋古堯彰二

村之間又東逕辛寨村北又東逕正里村一名鄭厯村

又東入雞澤縣西南境折而東北逕焦佐村又北逕浮

圖店有岔河小裏河分支故道焉

詳後故道

又北逕黃溝大

韓固營又東北入南和縣界

在雞澤境長三十里

又東北入任縣

大陸澤

漳河在磁州南其上流本清濁二源清漳水山海經曰

出於少山東流於濁漳之水郭璞注出少山大繩谷水

經出上黨沾縣西北少山

即沾山一名謁戾山亦名何逢山

大甗谷

作大要谷

今案清漳有東西二源東源出山西樂平縣大甗

谷東南流逕和順縣石猴嶺東西源乃古轅水今出八



賦嶺明統志所謂西漳也濁漳水漢書地理志出上黨

長子縣鹿谷山水經出長子縣發鳩山山海經同酈注漳水

出鹿谷山與發鳩山連麓而在南淮南子謂之發苞山魏書地形志長子縣

有廉山濁漳出焉禹貢錐指鹿谷發苞廉山皆發鳩之異名也今案濁漳源出山西長

子縣西五十里四星池在發鳩山南麓亦曰靈湫清濁二漳自

山西會衆流至河南林縣北境交漳口即涉縣東南之田家嘴合

而為一下流通稱為漳河東流二里至吳家村入本府

磁州西南界逕羊城村即羊臺村在磁州西南六十里土人名為吳家

河由此而東與河南安陽縣分河為界南岸為安陽北岸為磁州又

東逕冶子村漳村柿園岳城鎮又東逕屯頭武吉等村

又東至講武城為南北官道渡口又東逕白道村又東

逕高祿村又東入河南臨漳縣界逕務本村有漳河北

決合滏之故道又有東北流逕廣平縣之故道焉詳故道

又東入大名縣合衛河

衛河在清河縣東古淇水也即漢之白溝魏志建安九

年遏淇水入白溝以通糧道隋導為永濟渠賜名御河

正源出河南輝縣蘇門山至大名縣會漳河至山東臨

清州三岔口會南運河即元時之會通河自尖冢集北流至北

渡口凡六十里又東北三十里至鹽店村入本府清河

縣界逕二哥營又東北十五里至安臺寺又北五里孫

重修廣平府志 卷之五 輿地略 山川



家口又北五里油坊鎮又東北逕牛家嘴又北入山東

夏津縣界在境內長四十里設縣丞管理遇河水漲發險工十一處

晝夜傳簽防守

疏水渠在清河縣東南洩衛河之決水也明宏治中開

濬延四十餘里上流導自洪河蓮花池下達古黃河廣

二丈深等之歲久渠淤萬厯初清河知縣向日紅重開

二十九年知縣鄭際明復濬同治十一年知縣王鏞又

濬天下郡國利病書云衛河當清河之南河勢湍悍每秋霖汎溢灌以漳沁安陽高村諸河之水洪濤奔馳隄防稍不及卽衝決漫衍漂室廬沒禾稼城池府庫岌岌乎殆哉而尖冢白廟弔馬橋諸口猶其最要語云開了口渰無走者此也無論口決脫有恆雨浹旬則臨冠諸道之水數十里并聚洪河蓮花池田家窪諸所停蓄如

益益田廬盡坐魚鼈中語曰倒波水渰無底者此也口

自館陶厯夏津凡要害三十有六轄清河者歲役夫八

十爲防水至則益鄉夫數千晝夕戒嚴僅免一決乃

尖冢白廟弔馬橋屬在他境彼民肥瘠不關莫肯爲防

於是開渠之議宏治中縣三老宗安等詣闕上書謂

此水歲侵清河沼而地魚而民壯者攜老扶幼沾濡手

足終歲望洋租庸無所出不足以報縣官今四海統一

德澤汪濊方以愛養元元爲首務奈何置數千頃膏腴

之田民十餘萬指於水而不爲之所積久不散潰且爲

漕河害非細故也幸聖明哀矜與大司農計事者天子

以爲然乃詔部使者爲清河渠道自洪河蓮花池延四

十餘里下達古黃河廣二丈深等之名曰疏水渠以洩

河決及倒坡諸窪之水功施於百世其後歲久渠淤漫

流爲災又復如前已坐苦河伯以聽其漸下武城而於

武城河西置減水牐一以洩之亦猶有行水道也嘉靖

三十七年武城令私其民乃召徒役於御河西接一字

河築橫隄四十餘里逆絕上流四十一一年水患作偏浸

清河民洶洶莫知死所武城人且聚隄抵掌以鳴得意

由是二省交惡謀動干戈殺我民李秉訟之臺府屬吏

勘當杖擊殺我吏人胡守仁具獄上廷尉朝廷下明詔

重修廣平府志

卷十五

輿地略

山川



令兩省使者平其事武城人強不服猶豫未肯撤堤隆慶三年河決尖豕平地水深丈餘死於水者王景木等十餘人城不沒者數版民多避居九豕得免武城人日操兵刃守堤如藏府屬水勢壅迫一夕決堤直下如建甌而武城人反自貽伊戚矣夫土之有川猶人之有口也止啼而塞其口豈不遽止然死可立待也故議為川者導之而已矣曲防為戒五伯猶能言之今天下一家壤土相接而欲以鄰境為壑其謂之何然此猶爭於末流也防不弛則河不決渠不淤則決不為災於是而長吏者又率傳視官舍誰肯焦毛髮以當利害今而萬歷六年春水猶注地中民田十頃種不得布萬姓嗷嗷於是三老田官何希儒等博士諸生武綸何九皋魏愕等白狀今令請復浚渠令方苦民水欲言方略今與父老諸生言良合乃著為四論繪圖窮源流條便宜數事上請於郡太守雁門薛公鑰憲副膠州姜公繼會御史河南許公乾御史大夫淮南孟公重咸報可復下郡通守蒲州南公椿來縣召令計利害相度故道募山東水工高樂孫虎與境內老人觀地形準高下樹幟分部乃移城隍神於公所為文酬酒以誓曰其有不若於合

者有如此河是役也計地徵夫庶民子來凡動靜三千餘人以義官田官等六十三人董其工沈尉源博專部其事令則朝夕行役所為察其勤惰而勸戒之逾月報成延袤深廣一拓舊制乃撤洪河蓮花池積水行渠中沛然若決江河注古黃河而下然後民得平土而居之禮令尉賞資諸役有差又督夫千餘修漕堤凡四十里以故數年雨水得為災而河亦不決決且渠無患又不爭於武城人嗚呼清河自昔當水衝今且關運道計治堤為河決之計莫若治渠充冀間地多流沙豈惟渠溝淤塞百世而下將徙決不獨衛河余故為論次古今顛末後有君子得一覽焉先是水注古黃河古者即馬頰也馬頰塞兩岸居民盡田河孺歲久若為固有而實無額稅不得與城邑較利害奸民不省所以一旦見水至遂浮言惑眾皆起訟余與南宮令邢公侗雅以論政相引重數言為民大計非私一人邢隨之屬民自對簿不能辭訟遂止向予曰太史公悲瓠子作河渠書今治河之策論者俱備予為一郡邑言利害耳往武城以千金築堤堤成清河乃出數百金與之訟然水至清河害堤破城者若以其費并力治渠豈不為兩利之

重慶黃平府志 卷十五 輿地略 山川



哉

漳河故道水經漳水又東過武安縣今磁州地又東出山過

鄴縣西今臨漳縣又東過列人縣南今肥鄉縣地又東北過斥漳

縣南今曲周縣地又東北過曲周縣東酈注漳水又東逕梁

期城南又東右逕斥邱縣北卽裴故城南又東逕列人

縣故城南又東北逕平恩縣故城西衡漳故瀆東北逕

南曲縣故城西又逕曲周縣故城東又北逕巨橋祇閣

西又北逕鉅鹿縣故城東元和郡縣志漳水在曲周縣

西二十九里宗城縣東二十七里寰宇記同洛漳二水在雞

澤縣東南二十五寰宇記五作六里合流東入平鄉縣界太平

寰宇記濁漳水從潞州涉縣界流入昭義縣西南四十

里自林慮縣界流入滏陽縣自滏陽縣界流入成安縣

自成安界流入肥鄉縣方輿紀要漳水在成安縣南十

里自臨漳縣東北流入又東入廣平縣北境又東北達

肥鄉縣縣西北十里又東北入曲周縣界西南三十里又東

北達平鄉縣境合洛河志云今曲周縣東十五里有漳

河枯瀆漳水舊自肥鄉北口接縣西南趙林村至縣東

北入威縣其後漳水自魏縣東出經流變徙遂為枯瀆

明萬曆元年漳水遂合滏河而北出不復經故道矣水

道提綱漳水自臨漳縣西折而東北流入直隸成安縣



西南界又東北經縣東南又東至廣平縣西南境分爲  
 二派東流者經魏縣元城冠縣合衛河東北流者經廣  
 平縣東南又東北經肥鄉縣東又東北經邯鄲南又分  
 爲二派一自邯鄲城東北流入威縣南境又東北經清  
 河縣城北又東北經故城縣一自邯鄲城西北流至直

隸曲周界龍堂折而北流經廣宗鉅鹿入北泊

宋王安石

洛州魏漳上詩漠漠春風裏茸茸綠未齊平原鴉散啄  
 深樹馬迎嘶地入河流曲天隨日去低高城已在眼聊  
 復解輕齋明江夏陳盤漳水議按漳河之源有二一  
 出山西路州長子縣名濁漳一出平定州樂平縣名清  
 漳東至林縣合流於彰德磁州之間至臨漳而成大河  
 出廣平大名達於臨清冬春則涸夏秋則漲其涸也枵  
 腹嗷嗷其漲也泛溢千里今年東明年西一淤成地一  
 衝成河固地勢沃衍平坦使然亦由水勢波濤洶湧致

之也漢唐以前其治易以黃河故道大名出河間達於  
 海則黃河深廣而漳水易洩所以消息而不爲害宋元  
 以後其治難以黃河繞徐州出淮安入於海則黃河於  
 淺而漳水難洩所以散漫而不可制其在於今日尤甚宋  
 元漳河南決從大名出臨漳遠魏縣過府城之南由艾  
 家溝入於衛河其流久其河深過魏縣其故道也邇則向南  
 之河忽湧成淤北決自臨漳過魏縣從元城以達於館陶  
 陶此新河之一派也又花佛堂過魏縣從元城以達於館  
 流魏與元城均在四流之中而廣平西南若柳林屯龐  
 兒莊南溫油房等村泛則爲板蕩於則爲砂礫沉窳產  
 蛙者不可悉數陵墓潭穴者不可悉記今之議者徒曰  
 如何堤如何塞如何計工而賞罰此不過補苴罅隙奉  
 漏養沃焦釜之計也水性湍急宜防而不宜洩漳河可資  
 運引注徐呂二洪水性湍急宜防而不宜洩漳河可資  
 灌漑泛溢三省五縣水勢平緩宜洩而不宜防司衡者  
 果爲廟社生靈經久不易之策必也如皇輿考營田議  
 得鄭國以開秦渠得趙過以爲搜粟都尉制如趙充國  
 得上便宜平江伯久任責成相地勢畫經界立邯鄲深  
 溝洫時蓄洩播佳粒水一乾涸取於萬井蓄積而可收千  
 爲城郭宮室之害水一乾涸取於萬井蓄積而可收千



倉萬箱之利則砂礫變為沃土板蕩登於衽席其視今年隄明年決塞於南壑於北傾有限之帑藏填無窮之巨津驅必不得已之民圖必不行此余之所未解也去遠矣釋此不為而顧彼久行可治而漳不可治焉朝賀應旌治漳議天下之水皆可治而漳者迄無聞焉然則漳果不可治乎曰有治之不以不治則幾矣何以明其然也蓋漳之為性也招之不可來驅之不可去通塞無一定之方而清濁有必不可奪之色也余嘗聞諸長老有江南某邑侯者希西門豹治鄴之奇開閘北堤引而灌田未及半里勢不可支懼而塞之邑至今以為戒不思漳之在鄴甫離山口峻岸夾持不得橫故可疏引及其下臨漳而抵於成肥地平如掌每當秋水時至百川灌河恣流狂逞無所不極而欲其俛首帖耳馴而致之於溝澮之間此萬萬必無之理也斯非所謂招之不來乎余村西有沙塢一區高二丈衡可數百武當水之決而東逝也適與塢會附近村人居方懼勢阻則必旋折而西傾塌如敗絮隨風毅然中圻而東下矣迄今舟楫相通者累歲不絕兩沙岸夾持如故水皆善下漳獨

逆上斯非所謂驅之不可去乎余嘗乘舟蚤出浩浩乎洪流也薄暮抵還則雙鳥可登焉一旦晚間幻不可測如此况乎千百世久千百里遙氣運乘除陰陽消長人事推遷物理代謝其為變滄桑遷陵谷者又不知其凡幾見而凡幾易也斯非所謂通塞無一定之方乎俗傳漳水南不與滏相去百里其入御在元城縣界滏在今永年縣界兩水相去百里其入御在元城縣界滏在今永北流而與滏合十里流如奔馬分馳而色終不可混夫以千百堤築而忍驕而不克禦區區一水乃確不可奪益信漳之性強而忍驕而不克禦區區一水乃確不可奪益信漳歟何屹屹也斯非所謂清濁有不可奪之色乎知其不可招則不必治知其不可驅則不宜治知無一定而不可奪則無用治而今之吏茲土者乃欲大起而治之且欲南築堤夾河以治之幸茲事者乃欲大起而治之且厥事金大定十四年詔有司修漳堰照依蘆溝橋例招被水缺食人戶十二萬費銀一百四十萬有餘而無成功使其可為則蚤已成之唯其不成而為尤特書之史以傳將以戒夫天下後世之為害昭昭不審地宜輕舉妄動而無濟厥事者也漳之為害昭昭不審地宜無



利於人乎平流漫衍或可樹稻幸其不至淤塞一畝可  
 穫數石迨秋水涸種麥亦如之其涸而不復再至者以  
 之樹菽穀等物一田可兼數歲幸其利而不忘其害當其  
 害尤冀其利所以漳之為患深且久於肥而不至致歎  
 子遺共盡者十年高下得失有以相償也故當其害之  
 總至也加我畢其命以要我而我唯迂徐引避若無所  
 聞見者勢將不終日而氣索矣盈而毀天之道也極則  
 返人之紀也治之以不治此一說也又如醫之攻病然  
 病積十數年之久而發之一旦急售以芒硝大黃諸劑  
 有入口僵耳不如飲食節外參苓養中如護嬰兒如蒞  
 弱草積力以圖靜心以俟正氣復邪氣不能容矣治之  
 以不治此又一說也故當其害吾不責人之治水而責  
 人之治人水之害唯散痛切經心而時加摩撫優游以  
 瘡痍發倉廩以招離散痛切經心而時加摩撫優游以  
 數年之久以待其勢之自定以待其氣之自復則是可  
 為也不然水既狂逞於前復姿睢其後此與救火積  
 薪者何異術雖工庸何益乎其術之未必不可治而人  
 已與之俱斃也故曰天下之水皆可治而漳不可治苟  
 能治之以不治則幾矣大名崔述水道記曰漳水由

臨漳邯鄲歷永年曲周北合滏者為北道由大名舊魏  
 縣東合衛河者為南道由廣平肥鄉歷冀州河間諸屬  
 直達天津入海者為中道禹貢所志北道也水經所序  
 中道也今日所流南道也府舊志康熙二十三年漳  
 河東徙由臨漳縣界東北入廣平縣南界復分二支一  
 由大名府魏縣至山東館陶縣合衛河一入山東邱縣  
 又分為二支一經威縣之南東北行入南宮縣至青縣  
 入運河一入廣宗縣北行至趙州甯晉縣合滏河近者  
 日更南遷惟由魏縣一支府屬諸邑舊為漳水所經者  
 大抵皆興糧沃產略辨河形而已通志明萬曆二十年  
 八年給事中王德完言漳決高家口經廣平肥鄉永年  
 至曲周入滏水案此又一支故道幾輔輿圖漳河  
 故道自臨漳縣入成安縣南之鄭家莊北東流逕郭坊  
 鎮南又東入大名府廢魏縣界一支由成安縣固子村  
 入肥鄉縣西南境東北流逕吳家堡又東北逕城南伏  
 邱山又東北逕三里隄又東北逕老營村又東北逕固村  
 高村又東北入曲周縣逕老營村又東北逕固村安  
 兒砦分為二支一自河固村西之李莊北流逕四夫人  
 砦北馬遙辛楊莊蔡上砦第四疇五間房入雞澤縣境  
 至韓甯村于次口仍入曲周縣界一自河固村東北流



逕小新砦小連砦小第八北龍堂張遂村又有自山東  
邱縣北出至曲周縣東北王固村之支流入之  
小漳河 曲周縣志漳河自明萬曆元年合滏流北走  
嘉靖甲子崇禎庚午河屢潰決自康熙十年河漸南徙  
二十九年由廣平縣平固店入曲周縣三塔村下流邨  
縣與滏分而城東之河遂涸四十七年又徙經大名魏  
縣元城縣境而三塔之河亦涸 邯鄲崔華山漳河支  
流考舊志載漳水支流在邯者故道有三自臨漳三台  
口決至谷子里村一股東向經石里村入邯鄲米口一  
安竇公堤一股北向經吳村漳里村入邯鄲米口一  
股西向磁州北漫入滏陽河河不能容北至閻家淺溢  
流而東經劉村左西等處入鄆米口東至辛安鎮入肥  
鄉縣界至曲周蘇胡寨口入滏此舊說也乃今考之則  
不盡然一股自西來至羅城頭南益以滏水北流入  
俗所謂長坑出鄆米口東向入永年界至曲周蘇胡寨  
溝頗深廣沿途屢有橋梁一股自磁之左梁村過邯之  
崔曲村東由沙中蜿蜒北流與西股合一股自磁之大  
漳商城北流過邯之大屯寨東折而西北經沙河堡西  
至樂家堡望諸君墓南復分為二一北經邯山阜東迤  
北匯於西股一東至辛安鎮匯於東股余幼有句云漳

水支流到此分英雄已去剩孤墳紀其實也一股自磁  
之黃龍吳村至二祖村入邯之東里堡范家莊東北至  
辛安鎮向之三者變而為四又分為五且皆北流前  
無東向竇公堤之形豈前人為四又分為五且皆北流前  
變易歟聞之父老康熙雍正間吾鄉屢歲被災幾成澤  
國洎乾隆四十三年水復大至平地數尺至十月始涸  
而種麥次年有秋自是漳徙而南雖有衝決不甚為災  
者殆六十餘年矣於同治辛未六月水驟至故道淤久  
岸既高底隨與平地等水咽而不能洩平地水數尺瀾  
漫而來登寨牆望之汪洋浩翰可舟行者數里榆林范  
家莊等村居兩股之間被災尤甚漂沒廬舍傷損人畜  
不可勝數沈竈產蛙室中以足踏之有湧泉如是者數  
月歲遂大歉張雪蠶有言漳有十功有十過乃吾邯功  
未見其一過已得其全邯何罪於漳而災之如此其甚  
也善乎張公第之議曰治漳之策有二築三台北岸堤  
數里則數縣之害可除次則疏濬蘇胡寨口使入滏陽  
則上流之災可減是在後之留心民瘼者吁舊聞久廢  
空留遺愛於西門洪水稽天難望濟人於東里務本之  
堤決而未築誰挽衡漳以入枯桃蘇胡之道塞而不通  
一任橫流以災邯阜民居昏墊禍甚江沱敬記漳之災



邯者以俟當事者之采摭至經流之利害陳公鑿賀公應旌議之已詳且無與吾邯故不錄錄其支流如此

案漳水昔時經流郡境每歲漲決為患支派紛繁所

在多有自康熙二十三年南徙而郡境無漳患者二

百餘年其故道在境內大約二支一支由磁州張固

村明史河渠志永樂九年漳水復決於開河村磁州

磁州張固村合滏陽河尋修塞之開河村通志

開河村漳滏合流處成化十一年州判張瑄塞其交口疏滏北流十八年大水漳滏俱溢今州東二祖村

猶有溝渠存焉經州東二祖村入成安邯鄲邯鄲志漳河故

流入一自臨漳肥鄉肥鄉縣志漳水有自廣平入境

三臺口流入肥鄉者有自邯鄲入境者有自成安

入境永年永年志漳水故道在滏河南遠或十餘里

者俗呼小漳河下流由曲周曲周志縣西南二十里

有漳河故道乃順治八

年自永年縣班家莊流入曲周者首起磁州東北二

祖鎮分東西兩股東股北行入成安縣西北境逕肥

鄉縣西境達永年縣南境西股亦北行入邯鄲縣東

南境逕永年西南境兩股皆至永年縣南十里吳良

寨合而東北流入曲周縣西南境之丁逕廣宗平鄉

町店又北行二十里至滏陽集合滏河

鉅鹿至甯晉入泊一支由臨漳縣北流逕成安廣平

入山東邳縣界復入直隸俗呼老漳河蓋即經逕曲

周威縣下流至青縣南杜林鎮與完固口支流合

大河故道在威縣南禹貢錐指宋元祐元年河合永濟

渠東北逕宗城縣東又東北逕清河縣東方輿紀要大

河枯瀆在曲周縣東五十里宋元豐中大河經流於此

河南徙後遺跡僅存



大河故瀆在清河縣境水經大河故瀆又東逕甘陵縣故城南

清河故瀆畿輔通志在清河縣西水經注淇水東北過廣宗縣為清河又北逕信成縣故城西又東北逕清陽縣故城西戰國策蘇秦說趙曰趙東有清河張儀說趙曰秦告齊使興師渡清河軍於邯鄲之東方輿紀要云河道今湮唐高適汎清河詩清川在城下沿汎多所宜同舟中詞昔陟乃平原今來忽漣漪東流達滄海西流延滹池雲樹共晦明井邑相逶迤稍隨歸月帆若與沙鷗期漁夫更留我前潭水未滋

屯氏別河在清河縣境水經注大河自館陶分為屯氏

河又東北屯氏別河出焉別河故瀆又東北逕信成縣張甲出焉屯氏別河東枝津出焉東逕信成縣南又東逕清陽故城南清河郡北

張甲河故瀆在威縣清河縣境水經注引地理志曰張甲河及瀆首受屯氏別河於信成縣者也張甲河及瀆北絕河於廣宗縣清分為二瀆左瀆經廣宗縣故城西又北逕經城東繚城西右瀆又東北逕廣宗縣故城南又東北逕界城亭北元和郡縣志張甲河在宗城縣南二十五寰宇記五作七里張甲枯河東去經城縣十里寰宇記同邯水在肥鄉縣西水經注邯水發源邯山東北逕邯會



故城西北注漳水故曰邯會也張晏曰漳水別自城西  
南與邯山之水會

洹水在成安縣西南明史地理志成安縣西南有洹水  
自河南臨漳縣流入下流合於衛河

白渠故瀆在肥鄉縣西水經注漳水於列人縣右合白  
渠故瀆白渠水出魏郡武安縣欽口山東南流逕邯鄲  
縣南又東與拘澗水合故瀆南出所在枝分右出卽邯  
溝也歷邯溝縣故城東又東逕肥鄉縣故城北渠道交  
經互相□縻與白渠同歸逕列人右會漳津今無水地  
理志曰白渠東至列人入漳是也

阿難渠方輿紀要在曲周縣西三十里後魏時廣平郡  
守李阿難鑿渠導漳水以溉田元和郡縣志衡漳故瀆  
俗名阿難渠在洺水縣西二百步蓋魏將李阿難所導

故名

寰宇記同

故漳渠畿輔通志在清河縣南太平寰宇記枯上漳渠  
者濁漳渠也枯下漳渠者清漳渠也隋制使姚暹疏決  
從上漳渠水入此渠亦名姚暹河煬帝征遼回泛舟於  
此謂之回鑿河大業末竇建德於廣平郡又疏此水入  
柳溝遂與永濟合流

直渠方輿紀要在清河縣西漢時大河所經也溝洫志



地節中郭昌使行河河曲三所水流之勢皆邪直貝郎恐水勢盛隄防不能禁迺各更穿直渠東經東郡界中不令北曲渠通百姓安之又二渠亦在縣境漢書音義禹醜二渠以引其流一出貝州西南折一則漯川也

漯河枯瀆方輿紀要在曲周縣東自永年縣界泊頭堡接縣境西朱堡長十五里又東接於漳河枯瀆遇雨潦溢水泛溢輒由此分流北注今湮塞殆盡案通志謂此河即牛尾河

案今河道不符

石家河故道方輿紀要在肥鄉縣東南五里漳水支流經縣東復北流入於漳河

余公河故道畿輔通志在肥鄉縣西北明嘉靖中滏陽水溢瀰漫百里縣令余炯鑿此河以洩水民德之因名

明葉期遠余公河記略余公河作於余公也按郡志肥鄉其地平衍而中窪時雨滂則諸水匯而無所洩居民病之歲癸丑公菴肥五月雨六月大雨至秋八月滏陽河溢東出柳林口漫流至辛安鎮又潰而東北至焦家營南至張達等村瀰漲鄉落百里皆為渠沼民病昏墊令至而憐之乃屬耆老而謀之僉曰惟有鑿河洩水耳令遍歷形勢至王固村得漳河故道其勢迤邐可以容洩諸水度林麓井里有墳墓廬舍者避之可徙者徙之遂決疏鑿之計老少壯弱執畚鍤而從事者五千餘人蓋民苦於患故樂於趨事而不自愛其力也河起自張達村至王固村遂通滏陽河長四十餘里廣凡八步深九尺河之上築土為堤長與河竟經始於八月之朔底於十月之望潢潦既導於渚既平民乃藝麥工暫輟逾年春二月復申令以成厥工民爭赴之按臺馬公令計口授糧令日未可以發我公帑令贖罪者輸粟得六百石凡十日河乃成



文明河故道縣舊志在雞澤縣東明季湮塞乾隆九年縣令李世基復濬十六年知縣王光燮重濬

岔河故道雞澤縣志康熙十七年知縣朱冕因沙河至雞澤淺狹易溢鑿東西兩渠一名岔河自浮圖店東岸

經西柳營東北至東柳營北至城隍營入正河一名小裏河自浮圖店西岸經南莊村北至北莊高家莊至南

和縣宋家莊入正河按沙河河道窄狹易於氾溢康熙十七年知縣朱冕鑿東西兩渠一名岔河自浮圖店東岸經西柳營東北至東柳營北至城隍營入正河一名小裏河自浮圖店西岸經南莊村北至北莊高家莊至南和縣宋家莊界入正河自此河

北至城隍營分爲兩支一入正河一溢於韓固村營至

宋家莊入河知縣黃在中堵塞決口而河身淤淺不能通流歷年堵築無效每當水發河流瀾漫寬六七里長二十餘里糧田泊成巨浸冬間水涸僅可種麥或積水未消則於次年春日補種扁豆紅梁獲利無幾春秋水發不能種藝名為一水一麥之區正河無水浮沙堆積綿亘七八里或將隄岸犁平侵種禾稼河道淤塞沿習爲常乾隆十五年庚午余蒞治茲土辛未夏潦親行履勘東柳營柏枝寺村宛在水中心數村士民以挑濬正河爲請余以歷年既久事體重大未敢遽行因集浮圖黃溝各村會議僉允癸酉三月始決疏濬之舉按畝出夫計里分工凡用民夫十六村二旬而工竣是秋河水安流居民免患俟來春復濬兩支河以續朱公故績俾浮圖各村永免水患後之官斯土者踵事增修庶其有濟乎 雞澤縣志

拳壯河故道方輿紀要在廣平縣東十里本漳河之支流自成安縣流入境至肥鄉縣復入於漳縣志漳南徙後此河爲枯槽



洺水故道一統志舊在威縣境有二一經縣南五里東南達於古黃河合運河一經縣北五十里東入於運河今徙

清陽江故道畿輔通志在清河縣西北漳河舊自臨清州之牛家寨入縣西北之梨杭村北岸屬南宮縣又東逕王城後又東北至張寬村入武城縣界一名清涼江久淤

黃蘆河舊志作黃河路一名古黃河畿輔通志故道在清河縣

北一里即九河之馬頰上通瓠子口每衛河泛溢由此下注南宮縣又一字河在清河縣東北西通古黃河東

通減水聞縣志名邑字河上由蓮花池下至武城縣每遇水患洩安家窪一帶之水而入蔡河

蔡河故道舊志在清河縣東南十二里東北流入武城

縣界宋祖昱蔡河詩陌上相逢怨已深蔡河終古碧沈沈黃金未許通君意白水翻能鑑女心

七里河舊志在清河縣東南七里邑合盧士傑濬上自蓮花池西下達黃蘆河

黃塘陂方輿紀要在曲周縣西北十五里魏晉時導漳水入陂為灌溉之利今涸元和郡縣志晉龍驤將軍劉牢之救苻丕追慕容垂大軍於黃塘一作董塘淵泉即此陂也



雞澤後漢郡國志曲梁侯國有雞澤左傳襄三年諸侯

會雞澤處元和郡縣志在永年縣西南十里明統志雞澤志列入

今雞澤左傳諸侯同盟于雞澤今其澤魚鱉菱芡州境

所資水經注渚沁水又東入白渠水又東故瀆出焉一

水東為澤渚曲梁縣之雞澤也國語所謂雞邛矣左傳

杜注雞澤在曲梁縣西南案唐曲梁今永年治隄西南護駕等村地勢近之

康臺澤畿輔通志在曲周縣東太平寰宇記在曲周縣

東五里魏書地形志平恩有康臺澤方輿紀要苻秦時

為閑牧之地

邯溝水經注逕邯溝故城東又東逕肥鄉縣故城北與

白渠合漢書師古注邯溝縣以邯水之溝而名案當在邯鄲肥

鄉兩縣境

曲溝舊志在磁州北十五里以水流盤曲故名

駙馬溝舊志在磁州西十五里

黑龍潭畿輔通志在永年縣東北三里其水深黑相傳

有怪獸居此縣志康熙七年大水決堤有巨鼉浮出水

落潭廣於舊明白南金過龍潭詩鳥盡千林日影疏龍湫水閣近村墟憑誰喚起西門豹引鑿

田間十二渠國朝申頌龍潭詩聞昔有烏龍鼓怒撼

城闕洪流忽歸斂平原陷深窟郡郭盤高隄至今愁衝

決靈怪航奇險攢聚爭倏忽跳沫積昏晦煙中聞叱咄

波瀾黑的鱗簸蕩驚突兀浴日毒霧黃飛鳥不能越魚

驚傲天頭羣嬉任出沒非無網與罟不敢輕唐突亢旱

井泉枯終不減浩淳昔傳異人言有源通溟渤往往陰



雲天雷雨此中發急電閃驚濤鱗介辨恍惚一氣引鴻濛坤維宣鬱勃頽岸林木偃流汗草徑滑或見夜深時龍女出弄月清風繞翠羽霜華爛黃鉞怪誕駭鄉愚建廟修誠謁泥偶森雜亂猙獠露筋骨對之白晝寒悚惕動毛髮歲時走士庶報賽陳肥脂徒令快陰欲潛肆鯨魚斲血食不作福水旱猶倉猝富者無倉箱貧者乏糠粃不悟是非宜但咎誠未竭我無神禹鎖羣疑安可伐甯爾講龍潭詩龍潭存古跡風雨暗平沙夜月雷霆闕孤村星斗斜木魚傳紺殿鐵鳳落寒鴉隱隱荒村裏蕭蕭三五家

方頭固潭畿輔通志在永年縣北二十里今湮案此當在縣西北

琵琶潭畿輔通志在永年縣西四十里一名裴坡潭

白龍潭畿輔通志在肥鄉縣西六里

龍潭在清河縣南五里縣舊志明嘉靖元年大水匯成

旋塞隆慶三年復匯成深不可測相傳有龍潛此

雁池畿輔通志在雞澤縣南三十里雁池村相傳池內

掘一石佛有羣雁飛集其上因名

照眉池畿輔通志在邯鄲縣西北三里縣舊志池方數

十畝相傳趙王宮人照眉於此

龍池邯鄲志在縣西北二十里龍興寺西南本輸龍河

之上流或云卽古之羅浮潭唐李白有遊潭詩

劍池畿輔通志在邯鄲縣東南二十里名勝志相傳樂

毅自燕奔趙磨劍於此有石尙存

蓮花池畿輔通志在清河縣東南三十里



玉泉池畿輔通志在磁州西北二十里溢泉營池方圓畝許水從地中湧出

海子磁州志在州城內有三一名紀家海子在州治東北一名董家海子在州治東南一名張家海子在州治北皆積水之區

酒務泉一統志在邯鄲縣西十里其水甘冽俗傳趙王常釀酒於此今其地名酒務頭

隆興泉一作興龍一統志在邯鄲縣西北二十里即輸龍河上流四時常溢禱雨多應

老母泉畿輔通志在磁州西三十里陸開村山崖俗名

婆婆港

張文振老母泉記磁州陸開村山羊寺側壘嶺重岡澗隧回曲泉源出焉澗之北泉竇尤幽窵其水自半崖而下莫測其所從出澗流綿遠亦不知歷幾千百祀俗傳曰婆婆港既而山羊寺有尼時見一老媪來此遊息容止異於恆人問其家所在則曰居是港久矣時人異之乃復以老母名泉是說也或疑其怪誕有識者則以為能利物莫如水此泉終古懸流雖大旱未嘗匱竭其於萬物灌溉長養生不窮有母道焉且其歷年久遠名之曰老母固宜而尤有異者比年每值春溫疫氣流行居人多病喉腫甚則為瘡瘍有黠者具想老母之靈爽而敬禱之以飲泉水則厥疾旋瘳由是遠邇聞之操觚汲水者日踵接而病者往往獲痊人皆以為神乃肖老母像祠祀之

聖井畿輔通志在邯鄲縣西北二十里高阜上水與井平其深莫測溢出北流匯而為池禱雨者撈取井中鐵牌設壇祈祝輒應



案今井在廟中水不甚深亦不溢出

扳倒井畿輔通志在邯鄲縣西北二十里名勝志世傳漢光武帝為王朗所迫士馬皆渴因無汲具輒扳倒飲裂石井邯鄲志在城西三十里黃家窰村土厚無井乾隆年間歲大旱村人皆汲於鄰村忽陰雲四合霹靂一聲石裂丈餘波濤湧出高與岸平運石補綴宛成井形後水泉不繼同治戊辰井中橫一大魚水復怒湧清潔異常

程井磁州志在州儒學戟門之左宋時州牧程珙鑿康熙三十七年知州蔣擢重加整濬上覆以亭

琉璃井一在邯鄲縣東三十里名勝志此泉不記世代磚結成黑色琉璃一丈許一在永年縣西官寨漳河坡水少反澇水多則旱歷驗不爽

清烈井永年志在府城儒學大門內明烈女王氏年十一憤其姊言笑不謹懼為所累投此井死因以名

烏璃井廣平志在縣東鹽池村世傳徐懋功飲馬之處其水甚深投以瓦礫則鏗然有聲

以上川



重修廣平府志卷十六

輿地略

形勝

關隘

鎮堡

津梁

形勝

山東之國莫強於趙前漳溢右常山

戰國策

北通燕涿南

有鄭衛

漢書地理志

漳河之間一都會也

史記

萬山盤礴泉流

環匯

圖經

肘翼太行背沃洺水

元王士熙善政樓記

西出漳鄴則關

天下之形勝東扼清衛則阻天下之轉輸豈非河北之

心膂而河南之肩脊哉

方輿紀要

地廣民稠號稱雄郡

畿輔通志

關隘



永年縣 倚郭

臨洺關在縣西四十五里縣志宋金以來為鎮方輿紀要永年

有臨洺東西二鎮元豐九域志關左倚高山右臨洺水勢甚

雄壯廣陽雜記明初城址猶存嘉靖間重築有通判分司署

國朝初設巡司後改通判大清一統志今移設同知千總駐此

畿輔輿圖 元陳孚過臨洺驛詩彌節發襄國飲馬清洺水山岳忽陰沍急雪白玼玼北風利如刀翦翦射雙耳饑鳥時一鳴僕夫寒墮指平生三間茅豈不願田里天子命有行去去何敢已道旁有旗亭溼煙亂河草尚想布衾人晏眠猶未起 國朝梁清標詩遙峯看馬服紫氣滿山陂洺水軍烽罷關門落照遲趙陵秋黯淡羽客夢差池明日邯鄲道茫茫繫所思

案疆域圖關左無山而有水當是右倚高山左臨洺

水也廣陽記誤

紅山口在縣西七十里外通河南武安縣可以行車畿

輔輿圖

上莊嶺口在縣西北七十里西接河南武安縣界西北

通沙河縣同上

東大繇鎮在縣東二十五里舊有城同治間重築畿輔通志

黃龍鎮在縣西南舊志永年縣西南有黃龍鎮金疆域圖兼明史地

理今無攷探訪冊志

曲陌鎮在縣北三十里舊有城同治間重築畿輔通志



牛家堡在縣南二十里同上

善兒寨在縣東十二里畿輔輿圖

張兒寨在縣南八里

七方寨在縣西北二十里

北汪寨在縣西北二十五里俱同上 同治元年築縣志

陽城寨在縣西北六十里畿輔輿圖

正西寨在縣北四十五里畿輔通志 同治元年築縣志

東橋集在縣東五里縣志

西河莊集在縣東十五里

辛莊堡集在縣東北十八里

長橋集在縣東南十二里

南橋集在縣南五里

東家堡集在縣南十二里

閻村集在縣西南十里

茹佐集在縣西二十里

周村集在縣西二十五里

講武集在縣西二十五里

西楊莊集在縣西北十五里

劉營集在縣西北三十五里

劉固集在縣北五十里俱同上



唐壘在縣西婁山上縣志唐武德五年太宗討劉黑闥於

此立營元和郡縣志

黑闥壘在府西南十里唐初劉黑闥據洺州築壘以拒

唐師處方輿紀要

案元和志寰宇記皆作平黑闥壘在永年縣西南十

里洺水南唐貞觀四年於壘東置昭福寺據此是太

宗平黑闥時所築之壘非黑闥所築也惟考永年疆

域圖洺水自縣西北婁里入境縣東北辛莊堡出境

向無流經縣西南之說其在西南曰滏水與古漳水

通志洺水古亦稱漳水李氏樂氏之說殆誤漳為洺

乎又攷通鑑胡三省注永年洺州所治也則是永年

自唐卽在今地西南距古漳當不止十里惟滏水去

城里數頗與此合雞澤縣志謂平黑闥壘在臻底村

北當時黑闥猶據洺州太宗未便北越洺州三十里

而築壘於臻底雞澤志亦引紀要為證抑未審顧祖

禹明注壘在府西南耳其為牽涉無疑

曲周縣

龍堂鎮在縣東疆域圖在縣東北二十五里輿圖畿輔

平恩鎮在縣東南舊志曲周縣有平恩鎮金史地理志今名程

孟集縣志



大目寨堡在縣東七十里接山東臨清州界方輿紀要

案曲周縣東有東目寨與此里數頗合顧祖禹蓋誤

以東目為大目也輿圖亦作東目寨堡

馬羅堡縣志作馬落堡在縣東北五十里元時名安仁鎮明改

今名大清一統志

香城固堡在縣東北六十里接威縣界

大寨堡在縣東北一百里接清河縣界俱同上

棗園堡在縣東北一百二十里畿輔輿圖

案曲周疆域圖縣東北界祇一百一十里此云一百

二十里已出境矣輿圖誤

侯村堡在縣東南四十五里接山東邱縣界畿輔輿圖

安兒寨堡在縣南二十五里方輿紀要

西孝固寨在縣東四十里縣志

東孝固寨在縣東四十里

小馬蘭村寨在縣東六十里

潘官寨在縣東六十里

傅辛莊寨在縣東五十七里

留善固寨在縣東北七十里

孫家河北寨在縣東北九十里

井胡寨在縣東北九十五里



張家莊寨在縣東南十五里

龐兒寨在縣東南四十五里

依兒莊寨在縣東南五十里

司兒寨在縣西南二十里

劉上寨在縣北二十五里

張漳遂寨在縣北輿圖作東北三十五里

東橋鎮集在東關

槐橋集在縣東二十里

程兒寨集在縣東北十八里俱同上

白菓樹辛莊集在縣東北一百里輿圖參縣志

南里岳集在縣東南十八里

隄上村集在縣東南四十里

南寺頭集在縣東南五十里

滏陽橋集在縣西南十二里

馬疇橋集在縣北十八里

河南疇集在縣北三十五里俱同上

肥鄉縣

翟固鎮一名翟固堡在縣東北八里今廢輿圖今改

為翟固集大清一統志

新寨鎮一名新寨堡在縣東三十里今廢輿圖



新安鎮一名新安堡在縣西二十里同

案元豐九域志肥鄉縣有翟固新寨清漳新安四鎮

據一統志今縣東三十里有前後新寨卽宋新寨鎮

又舊志縣東三十里有清漳城卽宋清漳鎮

南陽堡在縣東三十五里畿輔通志 輿圖作三十里

南屯莊堡在縣東南十八里同

天臺山堡在縣西南十五里新築畿輔輿圖

薛北王固堡在縣西南二十里新築畿輔輿圖 參通志

毛演堡在縣北輿圖作 西北十八里畿輔通志

舊店營在縣東十八里有城康熙中縣寄治於此清一

統志

焦家營在縣西南十五里畿輔輿圖

東章堡集在縣東二十五里縣志

崇明寨一作 重名集在縣東北二十里

西韓集在縣西二十五里

孟家莊集在縣西北十五里俱同上

雞澤縣

小寨堡在縣東南十八里周四里外有池大清一統志同治

二年重修縣志稿

浮圖店堡在縣西輿圖作 縣西南十八里周三里外有池大清一



志統同治三年重修縣志

駙馬寨在縣東南二十里畿輔輿圖  
縣志作十八里

吳官營在縣東八里畿輔輿圖

孫家營在縣南三十里同

柳下集在縣西南十五里縣志

臻底集在縣西南三十里同

廣平縣

東韓村堡在縣東十八里有燧臺畿輔輿圖

平固堡在縣東北三十里有燧臺

周固縣志固作九寨在縣東北二十四里

孟固堡在縣西十里有燧臺俱同

焦家堡在縣西北三里畿輔輿圖

潘兒寨在縣東三十二里

新寨在縣東北三十里俱同上

常兒寨在縣東北三十五里畿輔輿圖  
縣志作三十里

打虎寨在縣東北四十里畿輔輿圖  
縣志作三十五里

王九郎寨在縣東北四十里畿輔輿圖

孟思寨在縣東北四十五里

紀家寨在縣西三里

侯固寨在縣北三里

重刊... 輿地略 關隘



馮家營在縣西南九里俱同上

雙廟集在縣西南二十七里縣志

邯鄲縣

蘇曹鎮在縣東北五里有橋跨滏水口為水路停泊之

所畿輔通志

大趙鎮在縣東二十里畿輔輿圖邯鄲縣有大趙鎮元豐九域志

志今訛為代召鎮縣志

河沙堡在縣東南二十五里有土城大清一統志同治初村

人王必恭重築縣志

戶村堡在縣西二十里有土城大清一統志同治初重築縣志

王化堡在縣北二十里有土城大清一統志同治初重築縣志

張莊橋集在縣南十二里縣志稿

牛照河集在縣西三十里

店子集在縣西南三十里

叢冢集在縣西北十五里俱同上

成安縣

閻村堡在縣東北十八里大清一統志輿圖作一名閻村鎮

郭方堡在縣東二十里畿輔通志輿圖作一名郭坊鎮在縣東南二十五里

鄭家莊堡在縣東南二十五里畿輔通志輿圖作一名鄭家莊鎮

北漳堡在縣西北十二里同治初重築輿圖作一名北漳堡



漳鎮

漳河店寨在縣東南二十里新築

畿輔輿圖

北徐村寨在縣西南二十里新築

同上

威縣

邵固堡在縣東四十里宋崇甯中嘗移廣宗縣治此

大清

清一統志

章華堡在縣東北五十五里

畿輔輿圖參縣志

經鎮堡在縣北四十里

同上

七級堡在縣北七十五里

畿輔輿圖參通志疆域圖

陶家莊寨在縣北二十五里

畿輔輿圖參通志疆域圖

賀家營寨在縣北二十八里

同上

張臺寨在縣北賀家營北舊設巡司久裁

大清一統志

聰容寨在縣北三十五里

畿輔輿圖參通志疆域圖

于隄村寨在縣北三十八里

順義村寨在縣北三十八里

張家營寨在縣北四十里

前後花疇寨在縣北四十二里

西平鎮寨在縣北四十八里

前後蘇莊寨在縣北五十五里

宋安村寨在縣北六十里



小河集寨在縣東北十八里

鄭河寨在縣東北三十五里

郭牛村寨在縣東北三十五里

王村寨在縣東北四十里

黃臺村寨在縣東北四十五里

百悅村寨在縣東北四十五里

寺莊寨在縣東北五十五里

章劉村寨在縣東北五十五里

興讓村寨在縣東北五十八里

東趙莊寨在縣東北五十八里

郭田莊寨在縣東北六十八里俱同上

方家營集在縣東十五里舊志參通志疆域圖

南里村集在縣東十八里

魏村集在縣東二十里

沙留寨集在縣東二十五里

郭固集在縣東北三十里

第十營集在縣南十五里

前小辛集在縣北四十五里俱同上

案舊志載集市尚有趙村雪塔沙西徐固寨四村攷縣志皆無其名附記於此



清河縣

油坊鎮在縣東南三十里鎮臨運河管河縣丞及外委

駐此畿輔輿圖

李家莊鎮在縣南道通山東臨清州畿輔通志

甯化鎮在縣西南古黃河濱大清一統志清河縣有定遠阮

村甘陵太清甯化田樓六鎮元豐九域志今皆無攷採訪冊

案方輿紀要宋政和七年臣僚言恩州甯化鎮大河

之側地勢低下正當灣流衝激之處歲久隄岸怯薄

沁水透隄甚多近鎮居民例皆移避夏秋霖潦隄防

一失恐妨阻大名河間諸州往來邊路乞付有司貼

築固護從之

連冢堡在縣東北二十五里大清一統志舊有城周一里高

二丈廣一丈五尺今廢縣志

謝鑪堡在縣東南十二里大清一統志舊有城周一里有奇

高二丈廣一丈五尺外環以池今廢縣志

二哥營在縣東南御河濱畿輔輿圖

新柵在縣西晉太元中燕人齊涉據新柵降慕容垂既

而附於泰山叛帥張願垂欲擊之慕容隆曰新柵堅固

攻之未易拔後願破新柵乃下方輿紀要今無攷採訪冊

葛仙莊集在縣東五里縣志



黃金莊集在縣東十二里

楊二莊集在縣東十五里

雙城集在縣東二十五里

西張寬集在縣東二十五里

陳二莊集在縣南十二里

顧堤營集在縣西南十八里

辛集在縣南二十五里

白佛莊集在縣南二十五里

邵家莊集在縣南三十五里

前簡家莊集在縣西八里

大寨村集在縣西南十二里

茶店村集在縣西十二里

王官莊集在縣西南十五里

四家務集即古隆慶在縣西南十八里

西小屯集在縣西二十里

孫家莊集在縣西三十里

大隄村集在縣西南三十里

磁州

車騎關在州北三十里明宏治十四年築舊置巡司今

裁畿輔通志 明夏言詩 元冬大雪黃河西乾坤 默運豐年機願銷金甲事農畝不聞野哭惟鄰雞



玉露嶺口在州西一百里接河南涉縣界僅通人行畿

輔輿圖

琉璃鎮在州東北二十五里畿輔輿圖

二祖鎮在州東北五十里畿輔輿圖 滏陽縣有昭德觀城

臺城二祖四鎮元豐九域志

臨水鎮在彭城鎮東北距州城四十里畿輔輿圖

彭城鎮在州西五十里路通玉露嶺口居民殷盛善陶

治州判千總駐此畿輔輿圖參州志

冶子鎮在州西八十里雍正通志

岳城鎮在州西南四十里畿輔輿圖

林壇鎮在州西北三十五里臨水鎮東北同上

昭德鎮在州西北大清一統志

臺城鎮在州北大清一統志 一名河南村鋪在州北四十里

接邯鄲張兒莊界州志

王家莊堡在州南十五里畿輔輿圖

高與鎮集在州東北十五里

商城集在州東北三十五里

路村集在州西二十五里

南城鎮集在州北三十五里俱同上

津梁



永年縣

廣濟橋在縣南五里明宏治中邑人史祥重建甃以石

舊志嘉靖二十三年知府唐曜重修畿輔志一日南橋亦

名午橋採訪冊明連鑛記略廣濟橋在滏陽河上而

而利益永嘉靖甲辰橋乃圯涉者病焉郡侯小潭唐公

躍歎曰曠前修而弗嗣敝道也藐民瘼而弗憫脩職也

惟茲橋廢曷可忽我其葺之遂捐俸為之倡合域中願

協者聽唯士若夫有若給舍申子价府倅郭子璽太僕

承張子永昌咸奉公德意布而導之羣用熙熙趨若流

輦固焉始乙巳八月明年四月則告成僉意享公之利

將公德垂世也請子為記子惟唐公興不費之惠建因

民之利垂無疆之休於橋焉見之非得乎先王之遺意

與君子日乘輿濟而小惠譏道塗蒹而衰政刺如公曷

弗紀矣僉世其德也宜哉是舉也永年沈合銓

亦佐役若干人故省勞而功倍速矣并記之

韓家屯橋在縣西南五里畿輔志俗名申家橋光緒二

年重修採訪冊

通濟橋一名草橋在縣西南六里嘉慶二十四年重修

光緒初年復修採訪冊楊澹記略郡城西南五六里

通衢為車馬輻輳之所其橋若虹勢之凌空以通南北

徒者輿者均無阻隔此通濟所由名也近因河勢南侵

橋之馬頭崩焉而梁亦傾折涉者病之幸際太守張公

邑侯伍公仰體我皇上軫念民艱之意與民休息

尤以濟民為懷深樂民之通濟亦各有捐助也因此田

家堡尹天民得首倡其舉東張寨暨南馬莊小橋村諸

鄉親同心協力鳩工庀材石增新木易故規則仍舊較

前鞏固焉經始戊寅二月落成已卯五月凡在城商賈

及附近村莊咸有贊助愚忝在鄰鄉深嘉是舉固永與

行人通沾濟橋之惠者是為記

田家堡橋在縣西南八里採訪冊誤作南五里通志



安惠橋在縣西南十里閻村明萬厯間知府陳之建舊志

明杜縻記略郡治西南區距城十里許有鄉焉千家  
鱗聚林木蔚然者曰閻村也溢實據其上流勢若建瓴  
蜿蜒橫亘而厲揭莫通也宿鳩木為梁受瀑西山時修  
時圯而圯復不勝修也昔杜當陽建猗於富平津僉謂  
經聖賢而不作必不可作也不阻不撓沈石以繫竟從  
多官舉臨流之杯曰非君橋不立也余亦曰非力如陳  
公此橋未易石也汪洋千頃誰窺彼岸而慈航競渡不  
忍病在涉也爰咨爰度屹然磐石奠之而時不農妨也  
星文瀉漢虹勢凌虛清影浮而阻告達也徒者安輿者  
適倚闌而觀逝者雖浩淼澎湃而眺望自若也為費幾  
何而去險即安故是橋以安惠名也若曰安民則惠黎  
民懷之唯公惠安無疆故民懷思亦無疆也猗與休哉  
柱匪秦金梁非漢玉跨波連斷深水調而魚鼈浮也一  
勞永逸視之鑿石堰江築隄障海事不同而衛國衛民  
同也公諱之家世濟南登王辰  
翁正春榜進士葵菴其別號也

西閻村橋在縣西十三里採訪冊

案通志縣志津梁門皆作二十五里縣志村社門則  
作十五里府舊志里數相同通志隄閘門則作十三

里自相矛盾今據輿圖改正

普濟橋在縣西南十五里大慈村畿輔通志

閘子橋在縣東南五里以近利民閘而名縣志兼採訪冊

宏濟橋在縣東五里登石近馬頭村亦名馬頭橋同上

錫書記略永邑城東五里有石橋一座名曰宏濟創於  
何時無可攷明萬厯間重修之於今垂二百餘年矣郡  
城去東豫兩省為往來孔道而居民久業於斯者賴溢  
水之上達磁邯下通津衛舟車所至四外通商固不獨  
一郡一邑之士民稱便也向時橋工堅實尚無大殘缺  
處乃道光庚寅四月磁州一帶地震遂致全橋掣動殿  
裂者多重載所經時慮其圯惟查橋空聳立高至七丈  
餘自西至東長十八丈寬幾三丈計費甚鉅不易集貲



必藉邑之士農商賈共樂捐輸乃能勦厥成也余捐廉  
為之倡旋據村耆李從龍等興議輾轉勸助共捐京錢  
萬餘千自壬辰春仲開工癸巳三月告蕆都人士問記  
於余余謂是橋也便行旅通商民數百年來人咸賴之  
今復舊制其功甚宏其利甚濟士民之好義樂施實深  
可嘉惟余調署清苑旋擢深牧未得覩其落成僅紀顛  
末壽於石以為後之  
觀感者勸是為記

張西堡橋在縣東北十五里縣志

馬軍營橋在縣東二十里採訪冊

小營橋在縣東北二十五里畿輔通志  
以上跨滏陽河

北護駕橋在縣西三里大隄外採訪冊

盧家橋一名廣惠橋在縣西北五里今殘缺同上  
郡城西北約二里許有隄護城稱老許其下有河有橋  
稽河橋之始嘉靖八年歲己丑春夏不雨郡守太原高

公汝行軫念民艱開隄閭村建閘引滏水秧稻田興民  
利也無何公值制旋里水渙散無統民甚恐辛卯孟縣  
李公騰霄慮水汎溢謀議父老鑿河導流而下水勢汪  
洋旋轉曲折經大營頭諸村北抵雞澤入漕河隄下時  
有泛漲往來徒步輿車病涉昔人建草橋名廣惠橋當  
孔道車轍馬迹望郡而來橋狹小架木覆土不堪重負  
恒有墜陷日覩者臨隄嗟咨善人李忠良等協謀舉修  
遐邇踴躍輸助仍在舊址增擴其基易草以石高廣長  
闊有制上列闌石下螭分水勢若懸虹昔危今  
安永良於行忠良輩請余言鑿石以紀歲月

廣濟橋亦名大營頭橋在縣西北三里同上  
記略郡城北隄

外舊有小河一渠莫名其始祇為疏洩南沿村十三村  
稻渠之水形如牛尾然故名牛尾河跨水為梁聊通車  
輿便行人未若喬喬然高也厥後洺水自太行來每夏  
秋之交霖潦不時盤曲眾山之中滙合七十二紅溝之  
水自洺關東注奔騰澎湃勢若建瓴下與牛尾合郭外  
遂成巨津自前明萬曆四十二年而橋勢一變迨雍正  
二年而橋勢再變嘉慶十四年而橋勢三變豈工於前  
而拙於後耶抑可與圖始而難與圖終耶要皆因時乘



勢視水之隆殺定橋之低昂其勢然也余下車來詢邑中利病諗知道光十四年洺水漫濫四關漂泊城不沒者幾三版迨庚子辛丑兩歲勢復洪漲郭外森森數十里俱成澤國相厥形勢知橋為之梗欲更大其形以速宣洩聚邑中紳士耆老於庭而議之僉曰善迺捐廉三百金闔邑內外紳士商民亦量為資助共得制錢二千餘串鳩工庀材不閱月而工告竣非故更前轍亦時勢使然不得不爾且有利於民而為之實司土者事是為記

永濟橋在縣北三里今圯同上張寶堦記略平干承

洺水下通雞澤縣界每當夏秋之交河水漲發時虞汜濫而此橋跨於其上北至柏鄉縣南抵大名可以達於遠邇最為永邑通衢要津但自康熙七年二月重修歷有年所漸就傾頽且舊制橋身湫隘兩岸掃壩亦見促狹急宜增高培補通塞去淤乃能資利涉而承便往來此增修之役不可一日緩也爰集耆紳勸捐襄事眾情踴躍尅期圖功告成之後親往驗收料寔工堅一律齊整由是行者鮮阻留之苦居者無漲溢之憂疏水道而

普利征人於以植其基於鞏固吾民幸甚四方之人亦幸甚邑人請誌其成遂欣然為之記云

北馬家莊橋在縣北五里今圯

陳義橋在縣東北七里俱同上以

太辛莊橋在縣西北二十里舊志

竇通志家莊橋在縣北十五里同當北路孔道今圯採

冊

辛莊堡橋在縣東北十八里畿輔通志

洺河橋在縣西北五十里高家寨縣志以

長橋在縣東南十二里唐書元詣據洺與王虔休戰於

長橋即此畿輔通志案今



漳河橋在縣南八里東嶽廟南光緒二十年重修又縣

東十五里鞏家莊亦有漳河橋採訪冊

洛河渡在縣西四十五里臨洛關北為南北官道渡口

又雙陵村講武村西楊莊均有洛河渡口同上 畢宗高記略 洛河

經臨洛城之北截而東注其南北之交則九省往來之孔道也往年盛夏山水驟至奔流激湍瀾漫浩瀚幾於一望無際行者勢不能無阻冬春間則涓涓然一溪耳而往來仍有漸車之患好事者架木於其間往往車覆人壓反為之害里人楊爾秀郭于蕃寶義臣者目擊動心慨然欲庀材量功儲其備而歲以時舉乃率先糾城鄉之仗義者咸踴躍從事合輸助銀共二百兩里人朱見龍郭清楊君貴者經理其事為置厚板八十塊梁木二十一根檁木二十一根椿木十九根復出其羨買置腴田二十二畝河田三段券質之田五畝歲取田之入以為公用九月則架成橋梁肆月則撤而藏之損壞者以田之入修補之於是乎行者利濟越有年矣是為記

沙河渡在縣北四十里又柳村北劉固村皆有沙河渡

舊志兼採訪冊

曲周縣

通濟橋在東關外乾隆十二年知縣勞宗發重修縣志

濟川橋即東橋在縣東三里順治間知縣李時茂重建

舊志 雍正九年知縣張若巖復修椿易以石後於橋南添

建便橋縣志 王顯記畧邑令李公承積弊之後甫下

復兵建橋數事惻念民隱抑何懇摯而周詳也諸事尚多掣肘而橋則不闕月而告成蓋溢水環城僅清流一線與漳合而勢始壯春冬稍涸夏秋則波濤洶湧凜孤城之若塊民未易方舟渡也橋梁傾圯已久前人屢議修葺而輒中止亦有深意謂邑東界青齊時有探丸揭竿之雄一水盈盈聊限戎馬足耳公詢及久廢之故听



然笑曰隔此衣帶能禁其投鞭渡乎奈何以此示弱而  
久不便吾民也爰捐清俸辦材置料公餘自行鳩工迨  
成堅緻壯麗有加於昔且兩旁翼以楯闌東西防以鎖  
鑰鼎新雄峙屹然一邑巨觀矣紳衿里老感佩公德思  
立豐碑以誌不朽故  
謹拜手而為之記

城南寨橋在縣南二里舊志縣志作三里一名南新橋

劉壯屯橋輿圖作劉莊屯在縣西南十里縣志

滏陽集橋舊志無集字在縣西十二里有便橋在橋之南即

漳河支流昔時入滏處畿輔通志一名塔子橋採訪冊

牛家屯橋在縣東北三里畿輔通志

七岔路橋在縣東北八里

南新莊橋在縣東北十二里

北新莊橋在縣東北十五里

馬疇橋在縣東北十八里俱同上以上跨滏陽河

新寨橋在縣西南八里舊志

張遂橋在縣東北三十里採訪冊以上昔時跨漳河支流

肥鄉縣

西落堡橋在縣北五里舊志

張兒寨橋在縣北十五里同上

趙兒寨橋在縣北十六里同上

北高營橋在縣東北二十五里漳河徙久廢縣志

辛安鎮石橋在縣西二十里今圯同上昔時跨漳河



漳水浮橋在縣北唐韋景駿神龍中任肥鄉令漳水舊有架柱長橋每年修葺景駿改為浮橋自是無復水患

唐書循吏傳 今廢採訪冊

雞澤縣

永陽橋在北關外畿輔通志

新增橋在西關外

永順橋在西關迤西乾隆十年重建易石俱同上

通順橋在縣北二里同治八年武舉郭慶春生員于泰

重修畿輔通志參縣志

毛家橋在縣北三里毛官營

便耕橋在縣北七里北馬坊營南

通行橋在縣北七里北馬坊營西接南和縣界乾隆十

八年建

得便橋在縣西五里王雙塔村

免裳橋在縣西五里董雙塔村

濟眾橋在縣西五里劉雙塔村案舊志北雙塔橋在縣南五里與縣志異

義安橋在縣西六里康雙塔村

通順橋在縣西南亭自頭村北光緒九年被水衝圮十

年重修亭自頭村南又有通便橋

新塾橋在縣西南十里牛家莊



廣裕橋在縣西南十里北馮鄭村又中馮鄭有便民橋  
南馮鄭有西便橋均在縣西南十二里

廣順橋在縣西南十五里東六方村村西舊有萬順橋  
咸豐三年被水漂沒

落西口橋舊志作小石橋在縣南二十里西屯莊乾隆三十年  
重建石橋

餘慶橋舊志作柳林口橋在縣南二十五里柳林口  
雁池橋在縣南三十里西硯池

安陽橋在縣南三十二里孫堡營俱同上以上  
永濟橋在縣北八里舊志作沙陽橋沙陽村在縣西北六里畿輔通志

通義橋在縣北六里小韓固村案舊志小韓固橋在縣西北三里  
通固橋在縣北五里舊志作縣西大韓固村

通濟橋在縣西八里城隍營  
遇仙橋舊名田家橋在縣西南十五里舊志作二十里

接路橋在縣西南三十里臻底村  
廣濟橋在縣西三十二里南雙塔村

濟眾橋在縣西南三十五里仝家莊俱同上以  
惠民橋在縣西北八里韓固營畿輔通志

永渡橋在縣西十里城隍營西  
普濟橋在縣西十里城隍營北



便道橋在縣西十二里黃溝營

永濟橋在縣西南十八里浮圖店東

通濟橋在浮圖店南俱同上 以上跨沙河 通志誤為跨滏陽河

廣濟橋在縣東十八里舊城營南畿輔通志參縣志

通濟橋在縣東舊城營西

遠通橋在縣東十三里邢家隄舊志作邢家橋

利民橋舊志作于家口橋在縣東北十五里東于口村俱同上 以上

跨滏陽河

青龍橋在縣東關外縣志

文德橋在縣東關東北一里同上

自裕橋在縣東六里張路固村同上光緒十八年知縣錢

錫案建房册

平隱橋在縣東八里吳官營縣志知縣錢錫案重建房册

獲利橋在縣東十里吳官營東北縣志知縣錢錫案重建

房册 以上跨興隆河

廣濟橋在縣東北二十里羅官營跨舊漳河縣志 案舊志漳河

橋在縣東十五里

廣平縣

時薰門外橋舊為浮板同治二年改為磚石又長春門

外美利門外皆有橋同治二年重修縣志兼採訪册



芾棠橋在城內德化街久廢舊志

邯鄲縣

學步橋在縣北關跨沁河上明萬厯中知縣王日善建

畿輔通志明張我續記略沁水自邑西建瓴而下  
繇城北關東注於溢舊葺浮橋以利攸往及秋水暴漲  
洶湧澎湃橋久齧就窳遠邇病之丁巳秋八月鄆都王  
公奉簡命來宰吾邑悉其狀甫下車之三日遂出金繕  
治於時省祭官魏邦俊者首輸千金以應風草之機誠  
捷也爰諮廉幹者得引禮官郭應舉俾往監役仍飭義  
民馬相等俸之計尋丈揣高卑庀材鳩工分功程力越  
戊午夏四月告竣易木以石撤舊為新雁齒凌空蹲鴟  
椽地視昔蓋增雄焉邑之父老相與酌酒謳吟謀伐石  
以紀其事屬記於余余按周禮司險周知川澤之阻達  
其道路而鄭氏注云達道路者川澤之阻則橋梁之孟  
子曰歲十一月徒杠成十二月輿梁成民未病涉也是  
故有惠心者然後有惠政有遠識者然後有遠圖今之  
綰綬號循吏者往往玩愒歲月炫虛聲而少實效我公

今日之役遂令積年之患頃刻而除永賴之功翹跂而定詎不偉與

張莊石橋在縣南通志作十里縣志

羅舊志城頭橋在縣東南五里畿輔通志參縣志

柳林石橋在縣東五里舊志作三里

南蘇曹石橋在縣東北五里

北蘇曹石橋在縣東北五里

劉莊石橋在縣東北十里蘇曹橋西北

馮村橋在縣東北十五里舊志作十里

蘇里舊志石橋在縣東北二十里俱同上舊

鴨池橋在縣東北二十五里縣志



賈葛口橋在縣東北三十里同上以上跨滏陽河

大河坡橋在縣西三十五里縣志

渚河渡在縣南五里舊志光緒十八年知縣李兆梅築橋採訪冊

成安縣

東門橋明時建萬曆二十九年漳水衝塌三十一年知

縣劉永脈重修今廢縣志

小東門橋明萬曆九年知縣柏正建同上

西門木橋久圯明萬曆九年義民潘澄改建磚橋畿輔通志

志

南門橋明萬曆九年知縣柏正創建同上

西郭北隅橋明萬曆三十年邑人蔡可行建同上今廢舊志

南郭護城隄橋明萬曆二十九年邑人袁魁孔憲周等

創建三十二年洪水衝圯知縣劉永脈重建縣志

威縣

宏濟橋在縣南門外迤東天齊廟前舊志

界橋在縣北亦名袁公橋畿輔通志袁公橋在宗城縣東

後漢袁紹破公孫瓚於此故謂袁公橋太平寰宇記清河又

東北逕界城亭東水上有大梁謂之界城橋世謂之扁

城橋水經注



清河縣

永濟橋在永濟渠西通志今廢舊志

孔橋在永濟渠東同唐永昌元年移置清陽縣於永濟

渠之東孔橋卽此太平寰宇記久廢縣志

壘橋在縣東北連冢集西北同上

磁州

南通志津橋在州南門外跨城河上康熙三十九年知

州蔣擢改建石橋州志

滏陽橋一名偃月橋在州南關外跨滏水壘石爲之長

十餘丈金泰和間建元至正壬辰年重修明正德己卯

年知州張珂重修

國朝康熙甲申年知州蔣擢於橋南北建立二坊同上

記略南關距城里許舊有石橋一所以通往來靡稽起自何代其制南北贅石爲崖中壘石爲券高約二丈五尺闊三丈長四倍兩頭耳券各二狀如蛾眉當金太和元至正迄明正德間屢加修治蓋徵諸往石云迺嘉靖癸丑六月大水橋頽大半不可以車行者告難積有旬歲隆慶己巳兵憲永年申公節鉞甫莅覽而歎曰茲爲中原孔道齒牙北畿咽喉南服天下百司之朝觀海外諸番之貢獻軍民運輸商賈貿易悉經於此而橋梁傾圯罔克攸濟有司之責其奚辭乃請於撫臺山東李公按臺江西蔣公程費綜工稽期投略捐俸爲倡集材興事檄彰德知府陳君應麟本州知州羅君潮計縣征夫開山伐石而以羽衣趨得秀傾其事掄工而工良選材而材堅趨事有嚴而力無怠功半及緒申公迺以陞任去泰安蕭公代厥任其樂事勸成猶申公云未幾蕭公亦轉任去而洪洞晉公復代之駐節旬日首重其事卽申令督率躬勞省試迺命橋之南北各石其岸氏之齒



大堅之鑿鐵架石成梁隆然雄峙儼若飛虹御空而長  
鯨卧波也雖崇廣高袤悉如舊制而闌楹鳳藻牙竇螭  
文蟠繞挈踞眈眈翕燦然華彩迥異昔時再於橋之  
西流南關河身若干北築河身若干障水截之以隄濱  
橋登之以石俾水勢順趨逸夫醫防襄岸之害而橋可  
永永不毀矣隆慶辛未九月績用告成邇經始歲時僅  
三十又一朔耳三公先後協心克成是舉非洞燭政體  
奚為能爾後之利此橋者不忘所自可也申公名佐蕭  
公大亨晉公應槐俱以進士起家分憲河北其宣猷振  
采靡可紀悉此特建橋一事云郭朴記略州境密聯  
畿輔當南北傳置之衝四國之輸貢賓旅之往來冠蓋  
旁午輪蹄雜運日以夜繼其不病涉而尼行者賴有石  
橋存焉橋在州城南一里許跨河為梁厥始久遠蓋自  
金元至於明朝屢修之嘉靖癸丑夏六月山水暴漲忽  
壞其半後漸頽圯殆盡歲踰一紀修建之議莫有倡者  
隆慶戊辰河南僉憲廣平申公佐分按茲土力任其事  
迺擇人授略鳩材選工檄州守羅君潮董厥役撤舊石  
而增新之會以遷去嗣任者洪洞晉公應槐綜理益密  
克底於成中為大券一兩端翼以耳券築隄上流遠殺  
怒悍壘石傍岸預防潰齧敷以砥石衛以植楯制仍舊

貫功同創作事非棘欲民不告勞率作屢省之功申晉  
為多先後贊襄郡守陳公應麟而下咸與有勞焉是宜  
礮石勒銘以  
驗諸後之人

永濟橋在州北門外舊為木梁明萬曆十三年知州張

夢麟改建石橋畿輔通志參州志

東石橋在州東門外明萬曆三十六年知州趙國璧建

國朝康熙十年知州柏成棟重修

雙港橋在州城外西北隅康熙二十三年知州任塾建

艮方橋在州城外東北隅順治十五年知州張瑞午建

後被水衝沒康熙三十八年知州蔣擢重修俱同上張潛記略

磁城東隅池岸去溢河三百武許地勢窪薄冬土人決隄洩水拳焚擷藕遂不可塞久之衝齧近隄六七丈皆



圮矣前此莅茲土者間議繕修率以衝繁中罷巡憲楊公莪蒿來治鄴都戊戌夏周覽地形慨然曰因勢補救以興利此子民者事奈何弗圖乃割清俸鳩工飭具建橋水口上經始於某月日越某日告成橋亘二丈闊丈有二尺高二丈巽贊一券表裏堅凝內置石牖司啟閉而向之洩者以固缺者以完疑者以釋吾於是歎公之加意於磁甚篤而所及者遠也置其所緩圖其所急不假帑金不煩里役毅然舉之蓋緣視吾磁猶一體災祥之來有感必切疴癢之發有應必周以故人視若緩獨此為急則我公此舉嘉惠來茲又誰能量其所及耶公名春芳北直興濟人是役也捐金襄之者州牧張君瑞午遼東人終始董其事者都閩甯君敬武順天宛平人州判任君佺山西沁源人

利濟橋一名紙房橋在州城外西北隅通武安大道州志

廣濟橋在州北高史渠口康熙三十六年知州蔣擢創建

永固橋在州北高史鎮久圮康熙三十九年知州蔣擢重修

梁王橋在州北二十里鋪明正德間鄉民郭有智建

琉璃橋在州東北琉璃鎮

東城橋在州東北東城營

尹家橋在州西南五里明天啟間壽官楊尙志建俱同上

以上三橋跨滏陽河

雙濟橋在州西十二里畿輔通志 樂玉聲記略磁之西間在州治西十二里間之

左北渠一中渠一相距數武深廣各以丈計凡東西往來之絡繹不絕者咸取道焉自有明以來架木為梁久之風雨剝齧屢易屢頽歲庚辰州守蔣公以省農歷西郊至其地惻然動念曰枉梁弗治此子民者責也曷圖



所以永之乃倡捐清俸鳩工飭具兩渠各建一橋闊一丈且倍之高二丈有奇規模盡善表裏堅緻事既竣徒者騎者擔負者莫不瞻望踴躍噴噴稱善遂名為雙濟橋云鄉耆張澤等感公之德謂宜勒石以昭來茲爰志之以垂不朽

利濟橋在州西紙坊村跨廣盛泉之上長十八丈有奇

康熙三十六年彭城鎮民周尙文劉璘等建州志

林壇橋在州西北林壇村

濯纓橋在州北三十五里跨牯牛河舊有小石橋歲久

殘缺康熙四十二年知州蔣擢重建大石平橋長五丈

寬一丈五尺俱同上

通濟橋在州東開河村康熙五十九年知州范時緒建

舊志

濟美橋在州西八里溝舊有橋久廢上四年州人劉

國棠倡建子模繼成之因名

清平橋在州西劉旺村康熙四十七年建

臨晉橋在州西東武仕村

曙光橋在州西小河溝雍正八年知州萬承勳建俱同上

案以上六橋州志通志均未載府舊志列之有建置

年代想必不謬故存之

漁陽橋在州南漁陽口順治十一年參議胡養忠知州

何中舉建修橋碑記久廢州志張潛記略大清定鼎十一年歲次甲午霪雨三月居民罹其



漁之厄者鄴郡為最相臺南逼濁漳洪濤頃洞實界子午之衝輪蹠錯道每入秋水落輒建草橋於豐樂鎮武城間以濟往來然河身浩闊幾三百丈歲費臨安磁金錢萬計而沙上流徒旋旋圯里下騷然是歲積雨助之河流驟發視前不啻倍焉屈指營構屆期策無所出比稽州志漳橋初建五吉後始下移今昔異宜五吉之水且分為二有未易議復者少參扞赤胡公曰漂蕩子遺奚堪重困乃進士民而商之子時以省侍家居憶曩者林慮之行道經漁洋俯見河流潺湲褰裳可涉土人支木其上覆以茅終歲勿壞蓋由此地西接太行水瀉石上兩岸土固而墜以故橫漳奔逸底是怒者以平漫者以斂其勢然也則居今而議改橋漁洋殆若天設云遂悉其顛末偕閩郡紳士為胡公言之公曰不傷財不勞民是余心也刺史文遠何侯奉命親履河干度道里之遠近相洲渚之廣狹亦謂莫便於是乃青於節而李公撫軍亢公估財庀工計日告成共費僅十一二而基址廣厚有加不亦偉哉是役也始於八月十一日竣於十五日橋縱亘三十丈橫一丈五尺州及兩縣分營各十空木植物料取諸舊貯之餘給之不以煩民檄查會稽始終之者參議胡公養忠遼東人理其事者州牧

何侯中舉藩陽人而安陽傅侯龍騰江陰人臨漳萬侯廷仕宜與人共襄厥事

漳河渡在州南二十里講武城為南三道渡口每歲

九月建立木橋與河南安陽臨漳二縣輪年於在房册

志漳河渡舊有草橋在五吉村每歲磁州與安陽臨漳二縣定期同力合作秋盡則建春盡則撤後五吉之水分而為二始下移於講武城橋亦改置其處顧河身遼闊幾三百丈歲費不貲議改置於漁洋口所用物料工役皆出於沿河村莊居民此口南距豐樂鎮之官渡口十餘里紆迴繞道行旅苦之康熙年間三州縣會詳直豫督撫咨准部覆於豐樂鎮渡口修建木橋以明年為始每年豫省撥存公銀二百六十兩給安陽臨漳二縣直隸撥存公銀一百三十兩給磁州定議輪年季辦至沿河居民止用力幫工一切物料永禁派累



Table with multiple columns and rows of text, likely a list or index. The text is faint and difficult to read due to fading and bleed-through from the reverse side.

Blank page with faint horizontal lines, possibly serving as a separator or a page with very faint text.



